

119
F812.882
24

財

政

中 甲
辰 年

稅 捐
關 款
賠 款
生 息



3 2496 8426 1

桂撫柯奏遵 旨停辦賭捐摺

奏為遵 旨停辦賭捐以清盜原而除民害恭摺仰祈 聖鑒事竊查接管卷內本年七月十四日前
護撫臣丁體常承准軍機大臣字寄光緒二十九年六月十八日奉 上諭有人奏廣西賭餉貽害地方
請飭速行停止並嚴禁番攤花會等語著岑春煊丁體常查明情形即行禁革欽此當經恭錄施行謹照
未及核辦移交到臣竊維賭之為害人能言廣西地方貧困已極其俗女勤而男惰男賭而女耕故曠
土極多出產極少始由梧州通商之地以漸漬於人烟繁盛之區而氓之蚩蚩主老不知賭為何事者尙
數十州縣也自償欺期迫無計可施於是有所抽捐之舉亦頗示以限制無奈奸商忍心害理惟利是圖處
處設棚多增名色昔日不知賭之地今皆有人承包矣昔日不知賭之人今皆有人教誘矣公家所入不
過四十餘萬圓而遊手好閒終年坐食傾家損命動起殺機且不知其幾也此端一開不盡毆廣西之民

北洋官報

三

第一百八十四册

不為農而為盜不止臣目擊其弊痛心疾首惕然傷之決以無論如何為難應即除此大患履任以後接
署督臣岑春煊咨本年六月在營次具稟妥議西省裁兵禁賭振興實業一摺八月初一日奉到 硃
批著柯逢時切實籌辦欽此查閱原摺內開白鴿票為害最烈已連飭嚴禁聞姓番攤較白鴿票稍遜只
可勉強因仍異日終當裁革蓋以用兵之際鉅款難籌不得不為此調停之計惟害之所伏宜使靡有孑
遺當此盜賊縱橫全省糜爛知穢難之非義豈飲鳩之能生自應遵 旨將商包各項一律禁革不准
復開儻有陽奉陰違即行從重究辦惟飢軍待哺尤費尤多失此大宗殊難彌補設一時無可籌措不能
不呼籲於 君父之前主梧州一隅華洋雜處番攤各賭相習成風往年該府士紳呈請捐餉非獨為
募勇保衛亦因查禁不易化私為公察看情形其害稍緩現在散布於各州縣者類皆無業流民欲為蕩
滌其汚必令趨歸其壑俟內地淨盡再予驅除此亦不得已而為之也至農工商礦事宜實難同時並舉
除招商先辦礦務外餘當次第推行所有遵 旨停辦賭捐緣由謹會同署兩廣督臣岑春煊恭摺具
陳伏乞 皇太后 皇上聖鑒訓示謹 奏奉 硃批著照所請辦理欽此

聚賭抽頭是亦不成家法若爲一時權宜不如照日本抽徵妓稅因各處通商等碼頭妓館既不能禁止不
如徵稅 一商埠妓稅宜分娼妓歌妓兩種歌妓納稅只准侑酒遠則罰鑲娼妓重稅若妓太多亦國家害
如日本無官許不准賣娼而娼女請憑時警察官必再四開導爲娼之苦貽害終身並勸不可誤信父母一
面之詞只知取利不知憐惜兒女每囑爲娼者令回家與素所鍾愛之親戚細商後再來方許領憑照此辦
法可免遠方騙拐之弊誤墜陷阱之害又保護妓女不准搗婦毆打倘有不洽之處許兩造控訴警察秉公
審判再令妓館必公設病院每禮拜中必令娼女入院看驗免受梅毒其保護娼女亦甚周到則國家收徵
妓稅亦不至受惡名矣 一玻璃磁器近來新例皆係估價納稅往往拆驗擊壞致損資本不如仍照斤兩
計稅免得拆驗又或因估價過大不合成本以致不能轉運往別埠反減國課在估價之關吏豈能盡知各
貨價目徒擾商民爲害非淺

津海關道遵飭酌改洋貨運入內地稅單另戳字樣呈送單式請查核轉咨文並批

為詳請事案查前蒙 憲台札開三月十七日准 外務部咨開光緒三十一年二月二十七日准浙江

巡撫咨稱浙海關扣留英商麥邊洋行運貨一案飭據浙海關覆稱洋貨入內地稅單另戳載明商人請

北洋官報

一
第七百四十四號

領稅單照完半稅運入內地不得出入海口今麥邊洋行由滬運貨至紹所領係內地子口單該商不從內地行運輒從海道繞越直進隔省沿海子口實屬違約並據委員調查江海關原單係將另戳所載不得出入海口字樣塗抹加蓋出吳淞口紅戳各等情咨請南洋大臣轉飭江海關查復旋准南洋大臣咨據江海關詳稱洋貨運內地請給子口半稅單由吳淞口出海行運實係光緒二十四年德商味咄美商美孚報載浙江舟山火油之案創始係奉總理衙門飭據總稅務司查復核與煙台續增中英條約不背核准照辦迨後各商援案請領半稅單出吳淞口運洋貨往浙江甯紹等處不能不照案給發等因查內地稅單載有不得出入海口字樣單式至今並未更改但煙台條約既有沿海即內地之語且江海關向係援案通融辦理現在亦難驟復舊章惟無論如何總須定有劃一辦法究竟華洋各商持內地稅單運洋貨入內地是否應照原單另戳所載不准出入海口或可援照舟山成案及煙台條約准其由海道行運應請核示等因當經本部札飭總稅務司察議去後茲據總稅務司申稱查歷辦向章沿海分通商口岸與不通商口岸洋船駛至不通商口岸貿易者應即照約拏獲充公嗣因煙台續約有沿海不通商口岸即為內地之語意近復有輪船行駛內港之章程而洋商船貨至內地沿海時仍係按照向章查明辦理所謂查明辦理者以貨而論至內地沿海時只驗其有無稅單有單者自係完過進口正稅暨子口半稅照約放行無單者即須逢關納稅遇卡抽釐以船而論至內地沿海時只驗其有無內港牌照有牌照者照內港章程放行無牌照者按向逾之約充公應請通行各省各關申明各例章並飭將單式另行更正等語前來本部查煙台條約第三端既載有沿海各口不通商口岸皆屬內地之語照此講解內地二字則各商持子口稅單運洋貨往沿海各處自難禁阻應飭各關卡驗明有無稅單及該船有無內港牌照分別辦理其稅單內向載明不得出入海口字樣嗣後亦須另行更正不得草率塗抹俾免疑阻應將

北京官報
(南)

不得出入海口一句改爲不得運至非單內所指地方以符約章相應咨行查照轉飭沿海各屬暨各海關監督遵照辦理可也等因到本大臣准此除分行外合行札飭札到該道即便遵照辦理此札等因蒙此當經函致新關稅司辦理去後茲准該署稅司費妥瑪函稱案查洋貨運入內地稅單另載所載不得出入海口字樣應改爲不得運至非單內所指地方一事當即另行刊印因該單左幅窄小是以蓋印右幅惟單內另載係屬新改式樣誠恐各卡或有疑義茲特送上單式請分送等因前來除分咨外理合將單式具文詳請 憲台查核俯賜轉咨 外務部查照並請分咨 陝甘總督部堂 山東山西河南陝西新疆撫部院查照轉飭備案實爲公便

督憲袁 批據詳已悉仰候咨呈 外務部查照暨分咨 陝甘總督

轉飭備案單式分別存送此繳

山西 巡撫 陝西 巡撫 查照
河南 巡撫
山東 巡撫
甘肅 新疆 巡撫

藥材銷路○沂郡所出藥材有金銀花遠志棗仁半夏附蠟子黑白丑牛黃蟾酥數大宗銷路最廣按牛黃產於郡城東六十里蒼山一滯蟾酥產於郡城東北七十里十字路(村名)一帶銀花遠志等俱產於郡城西一百一十里北尚岩(村名)一帶山腰中皆從沂郡起旱脚一百八十里至青口上船赴上
烟業漲價○濰縣所出烟業最佳切爲烟絲銷售本處及隣近各州縣每年值京錢五六萬貫前歲雨雹棄

濟南報

第八十四號

七

受傷損故今歲烟葉之價頓漲上等葉每百斤現值京錢二千一二千文運至青島銷售獲利甚薄

蘭綢改良○昌邑所出之蘭綢近頗銷行於外洋駐法孫欽使謂猶太人販此遂致鉅富當非虛語從前所織皆素面無花現新出一種有花者尤爲華美將來銷路必當更有起色云

羊皮銷路○周村來函云查羊皮一物向供木處鞋臉弓絃之用每斤價值不過京錢三四百文近年以來外洋購辦甚廣遂有烟台天津各洋行至村收買運發出口附近之貨亦即輻輳於此價值每百斤竟漲至紋銀四十兩以黑毛者爲尤佳去年共計出皮九萬餘斤值銀三萬八千兩刻下新皮已經上市各路洋行派客人到村俟後銷數如何再行比較續報

豆油價昂○濰縣油房散布於鄉間者計三十餘家近日由膠州出口者甚多每車裝四囊共油四百八十斤現已漲至京錢八十四千矣

糧路發達○汴省黃河上游各州縣向以雜糧爲大宗以舟運往下游銷售自膠濟鐵路告成泛舟者多運至洛口起旱脚裝火車載往膠澳出口云

公司新設C烟台東阜官錢莊今春在東沙灘演武廳左近蓋造房屋開設製造公司招募附近鄉莊婦女織造洋手巾即所謂白羊肚手巾也先由南省聘訂二女師爲教習以三年爲卒業二年內只給飲食衣服不給工價卒業後願留者再酌予身工願去者各給以織手巾小機器一套一資糊口近復開設條淨公司所有烟台之街道溝渠陰溝各鋪戶之毛廁瀝溜按月排日修拾挑挖掃除盡淨每鋪每月按照人數收捐又於街內設有分司數處一律辦理前此廣仁堂僱有清道夫二千名尚於埽除大街糞穢積潦等物今由此推廣行之亦商會之所應辦事宜也

海銷售近來沂郡販此者約有四五家每年兩次販運每人每次資本約在二三千金之譜綜計各家每年運販之貨價不下二三萬金據各商言比前數年幾加倍焉

專件

整頓商務○棲霞李紹鄉茂才志趣遠大出遊二載餘凡中外名勝要區所涉歷者不少計較中外交通之物知外洋物產可通中國者甚多而中國土產可以暢銷於外洋者亦有五大莊一日絲莊二日綢莊三日帽綉莊四日茶葉莊五日花邊莊因先集家資五百金立一綢莊即棲霞土產招致工人小試籌辦刻印各樣招牌專合洋人所嗜好者而爲之計已五年獲利頗厚今效法者設立機房境內幾備所出之屬較前值錢兩倍近韓愛庭大令整頓商務考現在棲霞山川土產可設帽綉一莊茶葉一莊意欲招集商股開闢利源特委李君爲之經畫聞李君已累擬一切規法稟候核辦大約事須奏明以十年爲期境內遍出示諭不准傍人賣買名爲專門專利生意待奏准後再設法招集商股視股分之踴躍與否以定局面之大小而用人之多寡亦即因此爲準則云

濟南報 第一百五十四號

德商購髮○今有德商某欲購人髮濰人之代爲收買者四五人上等髮每兩值京錢六七百文下等髮值四五百文數日之間聞已收至八百餘兩之譜

藤帽暢銷○天津商人吳金印在德州創造藤草帽銷路頗暢邇來運往天津各處之貨外國人購者甚夥至運貨有不敷銷售之恨聞有某西人欲與吳金印訂立合同歸伊一人包買五年銷售外國此五年內不准賣與他人此項合同刻尚未經吳金印應允由此觀之則中國工藝一途將來未可限量必有奪回利權之一日當拭目待之

絲業現狀○周村物產以絲爲大宗附近數縣所產之絲其質稍粗向來織紬絁者不用其銷售均歸緯莊近來多有烟台客商販運出洋即以粗者爲最本地所出不敷即以山西河南諸省所來之絲名曰縉子者檢擇裝箱運往上海再由上海裝運出洋計每箱十五塊每塊八十兩本年春間價值每塊在京錢七十千上下不等庚子之前每年統計曾經裝至二千箱之多後則千餘箱今年僅裝七百餘箱推原其故一由價昂一由日俄之事諸路擁塞所致不日即產新絲約須日俄事平銷路始望暢興矣

洋線漸盛○省中今春養蠶之家漸知改育洋蠶作繭線絲成色誠高於中繭其繭潔白勻淨得絲亮白堅韌人始知優絀之分從此風氣一開絲務必有大盛者

洋鹼暢銷○濰具各麵食舖向皆用關東鹼今歲始有販運洋鹼在濰消售者其價既廉而色又極白各類食舖皆樂購之故售鹼者獲利頗厚

蓬萊價廉○蓬萊菸菜一物最爲上品連年販到哈爾濱黑河等處售賣頗獲贏餘今日俄相持海道阻塞作此生意者皆不能前往因而菸菜價值逾賤前每斤十二三文今則每斤祇四五文

濟南報

第一百二十九號

三

豆餅暢銷○濰縣油坊共三十餘家雖資本不一而生意近中約有可觀蓋綠油及豆餅之價較江南一帶頗廉○油每斤京錢一百六十文餅每塊重十五斤三百四十文○販買者極衆致各家日夜趕打幾有應接不暇之勢

豬鬃利溥○濰邑城北十餘里之關莊居民三百餘家風氣夙稱強悍近年以販豬鬃爲業利源極厚遂就安妥蓋該處爲附近各州縣所出豬鬃總匯之所每年出口約值銀四萬餘兩檢束之功皆婦女爲之積有貨財多者數百千少亦數十千云

青島近狀略誌○青島居人通共不過千餘家其中本地商棧約六七百家（登州府人居其大半）粵商六十餘家浙商四十餘家西洋商十餘家日商三家市面甚形蕭索緣到此辦貨者大都隨來隨去無一坐莊買賣因出口稅苛細繁重故商務不能如烟台之盛 鐵路自開車以來載貨搭客并不暢旺每日至多不過搭客二百餘人載貨數萬劬每月鐵路進款不過十萬元左右若照其預計表核算每月須得車價二十七萬元方能有四厘利所以現在公司賠累已屬至鉅 由青島至省沿路有大鐵橋四十八處小者二百餘處以淄河橋爲最長約有二百四十密達（合中國七十餘丈）統計鐵路中修橋費至五十餘萬之多 青島市面行銷之貨以洋綫洋布火油火柴爲大宗其餘洋貨大半俱由日本運來值雖賤而貨不甚良英美貨物到此者絕少其由德國運來者惟紙烟鐘表之屬其餘則西人自用之物如沙布等項德國來者亦少

●浙皖洋莊茶出口比較表 浙皖兩省產茶之銷售洋莊者夙稱暢旺近年以來漸形滯鈍去年出口

北洋官報

四

第六百四十六册

竟較前年減少三萬一千零四十箱茲比較前去年出口細數列表如左俾留心商務者得所參考焉

茶名	二十九年	三十年
平水茶	八萬四千三百八十九箱	五萬四千一百七十八箱
婺源茶	一萬一千八百七十四箱	一萬二千零四十箱
屯溪茶	一萬二千四百四十箱	一萬四千八百五十八箱
徽州茶	一萬三千四百零三箱	一萬二千零九十箱
温州茶	二萬二千二百九十五箱	二萬零九百零一箱
合計	十四萬五千一百零一箱	十一萬四千零六十一箱

江·西·陸·路·免·稅·章·程

一 茶油紙張，由肩挑運入府城，應免徵稅。一 穀米豆麥，肩挑來往，應免徵稅。
一 牛羊豬鷄鴨等件，均免徵稅。一 瓜菓菜蔬食物，均免徵稅。一 土烟葉，即在本城銷售，應免徵稅。
一 農鐵鍋鏟，由鄉間肩運出入府城，應免徵稅。一 糖鹽兩宗，由下游報完全稅，分銷各處，應免徵稅。
一 土產青茶土碗，係本處所產，即在本處行銷，應免徵稅。一 醃肉，在百斤以上，醃魚，在百五十斤以上，運往遠處，自應報完三分。若在附近銷售，應免徵稅。一 皮鴨蛋，不及千個，出境行銷，應免徵稅。在府城銷售，概不徵稅。一 三潮柑子，五石以上，運入府城，冬筍，由車在二百斤以外，運往出境，均應報完三分。若肩挑為數無多，應免徵稅。一 土毡，無論車載肩挑，不及五十件，土傘，不及百頂，出境行銷，從寬暫免徵稅。一 花生，無論車載肩挑，不及百斤，進出俱不徵稅。一 枋板竹木石灰煤炭，無論進出，俱不徵稅。一 蜜棗紅棗，係本地所產，行銷內地，舊收每百斤出境稅三分，如在本境行銷，應免徵稅。一 各種零星小販，以及肩挑土布洋貨雜貨，沿街買賣，概免徵稅。

岑雲帥答同鄉書 前廣東京外各同鄉官、上書岑雲帥、請停雜捐、并禁賭博、茲由雲帥覆函曰、敬復者、拜誦惠書、辱承寵飾、責望甚重、曷勝媿荷、書中所述雜捐之騷擾、賭禍之蔓延、仁人之言、彌當情實、煇雖不才、猶當奉以周旋、勉副衆望、目下債款之重、已不可支、而舉辦新政、亦難再緩、鄙意籌款固難、尤莫難於籌款之人、近日之籌款者、或官辦、或商辦、官場中人、習氣至深、只有一副欺壓抑勒手段、商務中人、利心極重、只有一副肥己營私手段、故雖有良法美意、而行之輒苦累民、今須速揀行法之人、妥議便民之法、使治人與治法相輔而行、而後風氣可挽、卽如各項雜捐、各國亦頗繁重、而民間絕無異言、則行法者必有道矣、至就賭收捐、政治家所羞稱也、徒以認餉甚重、驟難籌禁、然各國各省皆有彩票、勢不能拒其銷售於吾境、則姑留數項、以爲抵制、亦出萬不得已、煇於病民各捐、陷民諸賭、卽擬嚴加分別、或停或禁、以蘇民困、但將來籌款、終不能不取諸民、要使擇人立法之後、方能舉辦、尙希諸公不吝賜教、繩愆糾謬、毋俾隕越、幸甚、盜風漸熾、誠如尊示、舍整頓吏治、更無弭盜之法、已通飭各州縣限期破案、官吏視公牘爲具文久矣、恐須嚴劾數員、乃足示信耳、

○天津海關稅務司德瑞琳呈報光緒二十八年天津口華洋貿易情形論略

竊查天津景象自拳匪肇亂以後，猶若人之病愈，精神倍增，並無竭蹶不振之情形，可以一望而知。惟紫竹林至三岔河天主堂前之河灣止，兩岸現已大半為各國租界，將來中國起卸貨物捷便之處，盡歸外人掌握。華人雖因失地主之權，頗有隱憤，然因天津商務進步甚速，暗獲利益不淺。其日本租界布置已有規模，該租界在天津城與法國租界之中，窪地現已填高，新路現已開闢，有數十小商開設舖戶，而日本人並華人寓居界內者，各有其半。曾建有日本領事署並郵政局，且擬起造洋式樓房三百五十間之譜。其日本各輪船公司洋行等，亦皆擬在本界內設立辦公之處。俄國租界籌畫亦甚妥協，周密雖進步稍遲，而地勢堪稱巨擘。該租界近接鐵路，與法英德等租界之河岸相向，就現時而論，似乎該界日後必賴他國人寓居界內經營之也。德國租界因該國政府議訂界內之章程，頗不易易，未竟一切遲緩，是以德商仍有在英法界內貿易者。至德界內之大馬路旁，已建造樓房多間，亦頗宏麗，足徵德國之商務在天津已立有基礎矣。英法租界開闢最先，制度文為，較他國租界高勝一籌。至天津埠曩日所開之洋行，生意較前暢旺，新設之洋行，亦接踵而起。除已造竣許多住房外，尚有已竣未竣之棧房十有餘所，但自亂後，房價奇昂，房少人多，足可概見。津地自各國都統與辦城內外各事，及修葺街衢，講求樹植，甚壯觀瞻。是年七月十二日交還中國後，直督袁官保率同屬員，接收地面，仍保率由都統衙門齋章勇往直前。次第興辦，良可欽佩。且袁官保智深慮遠，將來天津商務必為之推廣。已在城之東北，督署後地一大段，築造火車站，闢一技新路以相接，而紫竹林對面之火車站，所有裝運內地之貨物，將來移至督署後之車站矣。又海河工程局在蘆台河所建之開工竣後，所有停泊天津城附近河內之船戶，較前尤多。至本年內之貨物，由本埠轉運者頗鉅，當初夏時，即有商人預料商務漸衰，緣華洋交易，匯兌貼水無準，以

北洋官報

四

第一百七十四號

致許多生意受虧，厥後外國匯價較前奇跌，而進口之貨，幾乎全為停滯，惟出口貨物，彼此踴躍，陸續盡行裝運。迨封河後，猶有小宗貨物，由秦王島裝運出口也。華人所開之大小錢舖，不免惶惶失措，因傳言現銀短絀，華商銀票貼水十成之三，究之其中底蘊，即中國官商無從捉摸，故此加內亦難確陳，未究

○天津海關稅務司德瑞琳呈報光緒二十八年天津口華洋貿易情形論略 續一百七十四號

再查都統衙門會倡議禁止撥條，諭各銀行錢店必須取其妥實保結，倘所出銀條，不敷所保之數，即不准再寫銀條，未幾中國官禁止寶銀出口，然俱未能照辦者，實迫於勢不得已，蓋進口貨共值關平銀八千十八萬一千六百八十三兩，而出口貨只值一千七百八十三萬九千六百三十三兩，所有進口貨銀如許之多，不能不如數照付之故耳。中國官員與外國銀行會商多次，後嚴飭將貼水逐漸減盡，適有某華商銀號違貼水之禁，除重罰外，又禁押數時。此事若按西國理財辦法，錢商實為危險，惟禁用私錢，只用官錢一事，本難猝辦。當通用私錢之際，幾無官錢，迨通用官錢，貧苦人之有私錢而無官錢者，吃虧匪細，所幸私錢撥條一律禁止，後冀官保急圖整頓，即擬鑄一兩重之銀元，實於北方不無裨益。從來洋元雖按兩計，並無一兩重者，若能照一兩廣鑄行使，富有準則矣。聞都署附近地方設鑄造銀銅元局一所，延聘美國鑄庫精明金銀成色者一員監製，倘一兩重之銀元果能各直省通行，商務必大為獲益，但不識政府當道諸公與都省執政諸公亦效本省制軍之辦法否耶。海河工程總局已息借銀二十五萬兩，該銀與都統衙門所撥二十五萬兩，作為本年修河成本，其已挖之河計兩條，共需銀三十萬二千四百四十七兩六錢五分，至以下所論各節，乃由該局本年十月分之月報內所提出者。本局挑挖第一段河至六月，准來往船隻行駛，挑挖第二段河至八月初，准來往船隻行駛，其第一新河之長計英里四成之，三、挑後所有船隻皆勿庸由天津灣并自來火廠灣，以及所稱東關之河面等處行駛，緣前兩灣河身甚短，其河面寬闊之處水勢甚淺，以致輪船行駛匪易，第二新河之長計一英里并英里十成之一，挑挖該段河，則船隻又勿庸由雙灣并菜灣，以及兩尖灣等處行駛，而輪船共計可少行駛四英里，并英里十成之四，該兩段新河之深，自河面至河底約有二十三英尺，其河之闊不一，計自三百二十五英尺，至三百六十尺，河身約略所挖之土，共五十五萬方，若再詳細核算，計二百二十萬方半英碼，英艦隊之測量船於本年五月六月間，已將攔江沙測量至秋季，則航海輪船直抵紫竹林碼頭矣。自塘沽至該碼頭行駛，共須七八點鐘云。十月招商局安平輪船并泰順輪船亦直抵紫竹林碼頭，該兩船可謂抵碼頭輪船中之最大者，查該兩輪船底垂線之長，計有二百七十尺，或有較該兩輪船大者，若由北河下駛，未免有塌厥之處，有時行駛須二十四點餘鐘之久，如再將北河挖寬，幾灣裁去，庶幾盡美盡善矣。未完

論俄美爭東三省商業 大阪朝日報云、駐營口美領事、以東三省商業之關於俄美者、告於美廷、其大要如左、東三省進口貨額、近五年來、數倍於前、所運貨物、率自旅順大連灣兩無稅港登陸、而以汽車運之於哈爾濱、進口貨總額、凡八百萬兩、而美國占百分之三十三、蓋豆及豆粕豆油、皆無出口稅、而如煤油麥粉棉布、皆自美進口也、然美國煤油販路、漸見奪於俄商、一千九百一年、美油進口三百七十二萬加倫、明年減六十萬三千一百八十加倫、彼俄商之貨、皆運自道勝銀行、有美國公司、嘗購地於達爾尼、欲建煤油庫、而以此不果、麥粉銷數漸增、而進口額反減、則以東三省設磨麪廠之故、其進口額減殺之運速、以新式機器出貨之多寡為準、哈爾濱之磨麪廠、兼售農具、以其地之宜麥為世

北洋官報

七

第一百五十九册

所罕親也、上等麥一勃窩爾、(合二斗一合)價僅三十哥耳、(約銀三角強)美之棉布、漸為華人機織之布所奪、較之前年、已減少二十萬匹、俄商亦耽耽競伺、與之競爭、平彼俄商者、受政府之保護、其在東三省之總領事、權力盛大、既建華俄道勝銀行、及商肆於都市、且又得購礦山、設製造廠、是皆美人所未得均霑之利益也、以是觀之、東三省之商權、安得不為俄人所握乎、故美人之所宜籌者、有三、一工業家宜擴充商務、直接東三省、而不紆道上海香港、二宜使中國開東三省為商埠、三東三省宜置總領事、而擴張其權限、謀國者其亦思之否耶、

福州將軍兼署閩督崇奏設立官局試辦樟腦片

再閩省漳泉一帶素產樟腦前係華商包辦虧折甚鉅勢已不支適日本技師愛久澤直哉來閩請由駐廈日本領事上野專一再三商辦由閩省設立官局延聘該技師考驗煎熬應需成本自願擔保借款兼任虧耗向日本公司籌借洋銀二十萬元爲成本不取利息試辦六年並繳報効洋銀十萬元製出樟腦發賣時每擔扣繳稅銀七元每年總結一次除去應完關稅及一切薪費用款並酌提公積歸還成本外實得餘利若干分作十成以三成給技師花紅以二成賞給官局員役以五成歸官局存儲候撥當經前督臣許應騷以華商包辦既不得法莫如設立官局延聘技師與辦藉可收回利權專派興泉永道延年設局廈門督辦官腦局務與該技師詳細訂約作爲官局延聘不得視爲日商包辦遇事須稟候官局核准方能辦理該技師將來如不願承辦准其告退或有不遵合同及干礙官權所辦腦務有不合式之處亦可由局辭退一切權自我操以符官督商辦之義其所繳報効洋銀十萬元交由銀行生息限滿發還所有延聘及借款合同疊經許應騷與外務部再四電商酌改該技師均願遵照辦理嗣技師因事赴台灣合同未即簽字茲於閏五月二十七日由台回廈在廈門道署會同上野領事將合同簽字自簽字之日起作爲試辦日期俟限滿如有成效再行商定年限接續辦理據督辦官腦局務興泉永道延年詳請奏咨前來奴才覆核現訂合同與外務部疊次商酌各節均屬相符除將簽字合同咨送外務部查照外謹附片具陳伏乞 聖鑒訓示謹 奏奉 硃批外務部知道欽此

○天津海關稅務司德瑾琳呈報光緒二十八年天津口華洋貿易情形論略 續第一百七十五册

一本關所征稅課，并洋藥稅，較去年所收之數，大有起色，共計關平銀二百二十九萬四千三百六十二

北洋官報

四

第一百七十六册

兩，較光緒二十五年所征之數加倍矣，若論是年所征者，已爲本關開辦以來最多之數，今年進口稅，共計七十九萬九千七百八十八兩，較去年多三倍半，較二十五年多二倍有餘，本年出口稅，共計五十四萬五千九百五十六兩，較二十五年略少，至所征半稅，共計十八萬五百六兩，其中最多者惟內地稅，查上年只征六萬二千二百六兩，而本年則多至六十九萬一千六百六十五兩，一外洋進口洋貨，并復出口洋貨，綜核進口貨物，似有所虧，因撥條貼水甚重，以致津埠洋商，所有運入內地之貨物，皆斬而不售，至本年底，天津洋商，所有屯積已賣未賣之貨物甚夥，而聞內地所有屯積之貨物無幾，諒明春後之生意，必有一番茂盛，華商現訂章程，買賣皆須現銀，惟洋布莊爲尤甚，曩時收用撥條或華商之銀票，茲已概不收用，販運進口貨之洋商中，亦擬訂章，每次交貨時，均須兌付現銀，但此事竟未議定，天津市面物價之昂，皆視乎酒水，聞販運貨物之華商，獲利頗鉅，其倉存之貨，尤爲獲利，因批定該貨之際，其匯價較現時甚昂也，洋商雖下半年無多生意，因去年所訂之貨頗鉅，則本年批定明春所交之貨，亦無大宗，然而亦屬獲利，其最令人注意者，如美國斜紋布，去年共三十九萬二千七百七十八疋，本年增至七十二萬九千二百三十疋，美國粗布，去年共一百三萬一千一百七十疋，本年增至二百十六萬五千九百三十八疋，英國元色布，去年共五十四萬二千六百九十三疋，本年增至一百四十二萬九百七十八疋，印度棉紗，去年共十三萬八千一百六十二疋，本年增至二十五萬七千八十疋，惟棉紗一項，華商得益尤厚，每次銷售，可獲利至二成左右，其雜貨生意，未能如去年底預料銷場之廣，然其中爲大宗之貨，較去年加多者，如手巾，去年共二萬七千三百六十一打，本年增至五萬九千一百三十四打，顏料之品，藍去年共值關平銀十五萬三千九百九十二兩，本年增至六十五萬四千三十八兩，針，去年共七十六萬六千四百五十密力，本年增至二百三十六萬六千五百九十五密力，雜貨生意，因撥條貼水，受虧甚重，售出時大半係撥條，而還洋商時用現銀也，以致所訂明年交貨之合同，寥寥無幾，今年進口洋貨，共計估值五千三百六十五萬九千五百二十六兩，未完

8 津海關稅務司德瑞琳呈報光緒二十八年天津口華洋貿易情形論略 續第一百七十六册

出口土貨，本年所有裝運出口貨物，大抵中外商人均皆滿意，內大宗貨物較上年加增不少，此舉匪徒
亂之上年，各相軒輊，至入內地購土貨頗為懸系，緣天津錢市情形甚劣，若非因出口貨價昂貴，必致虧
本良多，且因本埠銀價大跌，而洋商匯兌之磅，頗稱獲利，所以內地各貨，全行踴躍出口，至年終時，留津
之出口貨物無多，出口貨中之最多者，係未硝之山羊皮，共計二百七十一萬四千四百四十五張，該數

北洋官報

四

第一百七十八册

較上年增至二倍有餘，又縣羊絨，即羊毛，計十六萬五千二百卅二担，共值關平銀二百十八萬八百七
十七兩，亦較去年有兩倍左右，以上所提之羊毛，乃出口貨中一種最貴者也，若按海關所訂直運外洋
并運往中國通商各埠章程而詳核之，則直運外洋之貨物，只值一百七萬七千五百三兩，而其餘皆先
運上海，轉運外洋者，其由上海轉運之貨物，當視為運往通商各埠之貨物，苟按海關所訂章程而計之，
則由津直運外洋之貨物，豈不寥寥，天津出口貨，直運外洋者，率皆運往美國，查美國銷用津埠之貨物，
可謂各國之冠矣，本年運美之貨，共計值四百八十三萬八千三百四十五兩，蓋緣美國銷場極廣，所以
徑運美國，較捷於由上海轉運也，復出口貨物，由陸路運往俄國之茶，雖已復元，然不能再如光緒二十
五年之多，二十五年所運之茶，共值關平銀九百九十六萬四百二十六兩，本年只值四百二萬七千八
百二十八兩，然亦屬出人意外，緣人人皆料西北利亞之鐵路築成後，大半勿庸由天津轉運矣，一沿
海貿易原出口之貨，查土貨運往通商各埠，并運往外洋者，可無庸贅述，已在外洋貿易出口貨內詳言
矣，本年本埠運往南洋各埠大宗貨物，大半較去年有增無減，去年花生共二十四萬二千五百十八担，
本年增至三十三萬八千四百二担，去年甘草共八千三百九十七担，本年增至三萬二千二百二十二担，紅黑菓
及藥材亦然，藥材共計估值增至關平銀六十五萬八千九百七十四兩，復出口之貨，查運往他埠之洋
貨，頗屬細微，大宗者不過針并顏料以及繡花帶等，皆係運往烟台上海者也，復進口之貨，查洋貨由通
商各埠裝運來津，若按照海關章程，上已論及之矣，但土貨進口之多，與洋貨無異，最多者，係綢緞，去年
進口，只有五百八十七担，而本年則增至二千一百四十三担，共值關平銀一百八十二萬一千五百五
十兩，中國綢緞，雖平民亦頗習尚，且此次 兩宮遠京，隨扈大臣，亦復不少，是以綢緞之銷場甚廣也，

今年則增至兩倍、莫宮保因棉紗增加如是之多、是以在天津設棉紗廠一區、將來必著有成效也、未定
本年運進鐵路之材料共值四十三萬四千四十三兩、大抵俱係漢陽鐵廠所製者、將來鐵路、殊為可觀、
前年此等材料、運津者、僅百成之一也、本年上海棉紗來津銷場頗廣、去年僅一萬七千三百四十六担、

8 津海關稅務司德瑞琳呈報光緒二十八年天津口華洋貿易情形論略 續第一百七十八册

一內地稅則、查內地貨物、本年所發內地單照、開辦伊始、是以無從較論、惟本年貨物、運往內地之單照、
有三等、有自海關發者、有自鈔關暨各國領事發者、但領事所發之單照、本年內皆漸次不用、惟望自明
年起、單照必須劃一、以免紛歧、本年由海關發內地單照內之貨物、共值關平銀二千七十四萬二千七
百十五兩、但該值價內百之六十八成、運往直隸、百之十六成、運往山西、百之六成、運往山東、六成、運
往河南、二成、運往甘肅、其餘則運往陝西、奉天、并俄屬之西域及蒙古等處、用三聯單由內地出口之皮
貨、共值關平銀八百三十二萬五千二百二十兩、一船隻、本年各輪船公司、生意尚旺、查該公司船悉
賴裝運進口貨物、獲利者、今皆虧本、蓋因載貨無幾、或空船來津所致、是以竟有數輪折回、而開往他埠、
惟冬季出口貨物、極形踴躍、其公司均得承運、至年終稽核賬目、仍屬可喜、本年進口船、共八百三十六
隻、載重共八十二萬四千五十二噸、較光緒二十五年之船、則減少十隻、而噸數則夥多也、一旅客、本
年進口之洋人、共三千七百三十二人、華人共三萬七千七百九十五人、出口洋人、共三千一百五十一
人、華人共二萬九千一百四十八人、一金銀、查本年金銀進出口之多寡、與貨色運口、大相徑庭、其故
為人人所不及料也、出口之金數、共計值關平銀四百六十四萬五千四百三十兩、銀數、共計值一千三
百八萬二千一兩、進口之金數、共計值八萬三千兩、銀數、共計六百二十三萬三千六百四十三兩、另有
進出口之金銀、海關無從查悉者、即如在本關所報出口銅錢、共值一萬三千兩、其有若許私錢、為天津
市面禁用後、皆由火車運往滿洲、人所共知也、未定

8 津海關稅務司德瑞琳呈報光緒二十八年天津口華洋貿易情形論略 續第一百七十九册

一藥土、查去年進口洋藥、共計大土三百四十九担、小土九十七担、雖較去年稍加、但印度土銷場、并未
見廣、二十五年進口各種洋藥、共有一千三百四十四担之多、如本埠購買洋藥、與外洋別色之貨物、一
律需用、則洋藥進口之担數、可與光緒二十五年、並駕齊驅也、查土藥銷場、若就現在情形而論、良難懸

揣本年土藥進口，共計五担四十五斤而土藥出口則有五十八担五十五斤。本年將屆年終時，本省大憲已定章抽收土藥內地捐項也。一雜論。本年自 兩宮回京後，當道領公與各國公使，酬酢往來，殊爲親睦，中外果能不存意見，則於商務大有進步。現時大憲多有欣用外國家具，并陳設等物，中國地廣人稠，必然相習成風也。又華人近皆在車站票房左右異常擁擠，雖乘運貨之車，猶欣欣然有喜色，蓋風氣已開，如火車頭之噴氣然，將來不難與各國並駕齊驅焉。現時自塘沽運京貨物，并糧米等，幾乎全藉鐵路轉運，聞確實消息云，京津塘沽榆關四處之車站，其度支冊內載，已需成本銀一千萬兩。本年所獲之利，有三百萬兩，山海關至營口之鐵路，本年所贏之利，尚不在此數。又查山海關至營口之鐵路，度支冊內載，已需成本銀一千六百萬兩，而俄軍佔用該鐵路，至本年底始行交還中國，無論自北河至通州，向來船隻來往之生意，全行停滯，即鐵路公司所築自京至通枝路，亦無裨益，但自築該路以來，船戶并未受虧，因在他河運內地貨物甚多，且裝豫省鐵路公司，并蘆漢鐵路公司，建築鐵路之材料，直抵河之極處，且查蘆漢鐵路公司所獲之成本，較別公司築至北京最早之鐵路，甚爲迅速，比公司所築之鐵路，現可達至正定府，其相近直省西北之順德府，業將該路將次整平，據局外熟諳鐵路之人，僉謂圖維已盡美盡善，工堅料實，車質亦佳，似可大獲其利。本年通盤核算，該鐵路每月得獲毛利洋銀十萬元左右，內十成之八，係售客票也，豫省鐵路公司，擬先由河南省達至山西省最易通之煤礦，若循渭江築鐵路八十英里，至道口，則價廉之煤，足可供渭河之平原，并運河及通運河之各支河等處居民需用，或將該煤運至天津，亦可與開平煤互相賤售，至其所擬築之鐵路，直達山西極高處之澤州府，且可達至地球上最著名之煤鐵礦也。又自鐵路接通西比利亞以來，天津商務亦未嘗有損，且來往該鐵路，爲時短而使費亦少，自必人人皆願出於其塗矣。現時洋貨，由火車運津，不納稅餉，未免於本關稅課有虧，然各車站設有稽查貨物局卡，征收內地稅釐，惟海關尚未訂立章程，征收來往越俄疆之貨物進出口稅，現該西比利亞鐵路，運貨水脚昂貴，僅有小宗價昂之貨，自歐洲由該鐵路運津也。再去歲六月進口輪船，均經醫士詳驗，內有三艘載染疫者，當將該輪留津，其京津牛莊等處，雖亦有疫，然火車仍照常來往，所幸爲日無幾，瘴氣潛消，約計染疫而亡者較曩年不甚懸殊，且於津地商務，毫未妨礙，并因都統衙門，嚴飭津民，務須潔淨衛生，獲益良多，非淺鮮也。又礦務按西法開採情形，上年貿易冊內曾論及之矣，所借者開平礦局，自華洋合辦以來，華人殊不滿意，其實緣西國所聘之經理人，有負厥職，是以於度支一節，爲中國向來之罕聞，不但中外不能利衷共濟，且滋訟端，於現時之大局，似有妨礙，惟望設法妥籌，以冀蒸蒸日上，庶以後華洋合股之事業，不難日起有功也。（已完）

竊查去年底、本年初、北洋通商情形、料必無起色、不意本年下半年、商務更盛、厥後和局將成、北方馬賊剿滅、百姓身家產業悉賴無虞、商務因而日增、本年上半年進口貿易、比去秋季無甚區別、下半年貿易、與前年秋季同、或云本年年底進口商務、業經復元、而出口商務無進境者、一緣匯票入內地甚難、二則本關所發之三聯單、向來並未行用內地、三則內地路途梗塞、雖然如此、若各國暢銷內地貨物、亦必有一二宗爭相出口、至出口貨內、亦有因去年拳匪啓衅、暫留內地、今始啓運者也、本年初統衙門辦理各事、頗於津地有益者、如改修馬路、填築寬闊、緣本埠為商務薈萃之區、欲推廣商務、自宜如斯耳、都署本年所取各項約一百五十萬兩、均為各處應修造大小工程、及各善事之需、修改海河、彼此頗為着意、從前被拳匪所燬各工程、均經修妥、已將蘆台開門、關阻俾其流人租界河內、以便河道寬深、又挖兩道新河、自莊中寺起、至鄭莊止、計長一英里、四分之一、又自下園起、至何莊止、計長一英里、四分之一、以後由塘沽至津、已擬避輪船最難行駛之五灣、較近五英里矣、

一本關稅課、共征關平銀七十六萬四千五百十四兩、子口稅銀六萬二千兩、及本年新加稅課在內、其數與四歷一千八百九十五年所征相埒、而較前年所收之數、計少五十萬五千二百八十九兩、至各款名下所征稅銀、均較前年短少、內出口稅所短尤多、再所征皆係洋旗輪船之稅、

一外洋貿易進口洋貨、並復出口洋貨、共值關平銀二千七百二十萬兩、較前年之值、短少一千二百一十萬兩、計英少二百八十萬兩、香港少一百一十萬兩、日本少二百五十萬兩、美少五十萬兩、本年進口洋貨、較前年少四成至六成、惟印度棉花、東洋自來火、及煤油較多、年本美國煤油進口三百五十二萬加倫、俄國煤油六百八十萬加倫、其故因內地於拳亂前所存之貨用盡、是以價廉多售也、

一出口貨、以漢口茶葉為大宗、因運至恰克圖西北利亞、路過天津、及張家口、沿途險阻、是以見少、嗣後西北利亞鐵路造成之時、漢口茶葉運津過張家口者、恐不能如前暢旺也、

一沿海貿易、原出口之貨、共估值關平銀九百五十萬兩、比前年少五百三十萬兩、各項貨物所短略同、

惟草帽糖杏仁甚多，因去年底貨未能運出之故，羊皮出口，其數計短十成，花生計短三倍，復出口之貨，以常年論，無關緊要。

復進口之貨，估值關平銀一千三百六十萬兩，較前年短一千九百萬兩，凡由南省通商口岸運來大宗貨物，則磁器土布紙糖烟鈞綢貨，均見大減，惟進口中國麵粉桐油緞子土藥綠茶，頗見加增。

一內地稅則，天津海關開辦四十年以來，按照新定章程，除發運送上海棉紗單免徵稅項外，本年第一次，始行由關發給別宗貨物之三聯單，海關每年所記子口貨物表，內已載明，海關與督署庫務司，所發內地單中之貨，按照單照內貨色，估值總數共四百七十萬八千兩，其洋貨載於運往內地單照大宗貨色，乃係原布粗布煤油等貨，共值關平銀三百二十五萬九千兩，其土貨寫於出內地單照大宗貨色，乃係山羊皮棉羊皮等貨，共值關平銀一百四十六萬九千兩，都署所發單照，祇可在應管天津

北洋官報

五

縣界內使用，如入內地仍不能免徵稅項，其天津各領事官所發三聯單，若無監督關防，亦與都署單照無異。

一船隻，本年出口船隻，較前年稍減，祇一千三百八十三隻，間有運軍糧來者，不在進口船數之內，本年各輪船公司進出口船隻，獲利甚厚，或有時裝貨，並不見多，惟搭客及轉運軍糧，亦必得利，計英國船共七十二萬噸，日本共二十五萬噸，德國共二十萬八千噸，其英輪噸數加增之故，乃因招商局船改挂英旗，主德輪噸數加增之多，大約因開平礦務局輪船，多半年改挂德旗，但三十年以前，德國原有夾板船多隻，停泊紫竹林租界，將來德國輪船，亦必較此更多也，再去年拳匪鬧事之時，駁船公司，本利並無損失，該公司在津多年，所辦各事甚多，是以去今兩年，大獲利益也。

一旅客，本年華人進口，計三萬一千九百三十六人，較前年稍多，緣回南避難者返津之故，出口華人，計一萬八千人，前年之數，係二萬五千人，洋人前年僅有二千四百人，本年增至五千人之多。

一 金銀本年進口金銀共核關平銀五百二十萬兩，出口金銀共核關平銀七百五十萬兩。
一 藥土洋藥進口共計四百四十三担，較前年減少三倍，小土之價自本年秋季增至每担七百七十五兩，大土之價每担增至六百七十五兩，迨至年底仍復如是，土藥報關自七十九担增至九百二十一担，諒從此向食大土小土者必皆改需土藥之故，惟查天津縣城內外所售之私土藥較以上所載之數尤多，雖曾經督署庫務司竭力設法嚴查走漏，而私販仍不免，本年秋季土藥每担自四百二十五兩增至四百七十五兩，大半由直隸永平府及山西河南販來，間或亦有由雲南滇省而來者。

天津華洋貿易情形論略續第九節

一 雜論本年各租界所辦之事多有蒸蒸日上之象，緣英國新租界本年加蓋房屋甚多，並擬推廣租界，英工部局現籌數大事，如建造菜市，擴高拋球場，創立新墳園等事，新租界馬路亦用碎石鋪平，並高，尚有最要之事，係修造新租界水溝，計費銀三十萬兩，現因無款暫停，英工部局本年所收界內船隻停泊及河岸囤貨之費，其數較前年稍減，法租界因去年拳匪啓釁，頗傷元氣，本年尙欲新造房屋，開濶馬路，土地亦經擴充，稍需時日，必須設電燈及活動鐵橋一道，德國租界業經推廣，俄奧意大利國均在海河左岸，各得租界一區，前年日本商人住天津者僅七十七人，本年增至一千二百十人，日本由法界起至天津城止，得新地一區為租界，天津城中自來水廠已成，將來自天津城至租界，築造電汽水鐵路一條，以通往來，本埠領事官計增意大利國奧國領事官各一員，日本國領事現改為總領事。

北洋官報

五

官英國鐵路公司由京津之間開一支路，以達通州，將來此鐵路可沿北河岸至楊村，又距通州三十英里之香河縣，修一支路，可通唐山，已由英國鐵路公司查明情形，各按公正辦理，本年郵政局重設分局於滄州德州唐山山海關，並新設分局於豐潤縣遵化州二處，全年郵政深蒙英德法各國相助，秦王島係去年西歷十二月十五日開辦，以便郵局隨時接遞信件，本年冬開來秦王島船隻甚

多，所來信件，與夏季無異，是以深如人願。秦王島木碼頭，長二千尺，係各國水師提督所造，今已歸礦務局管理，查此碼頭係安於石上，冬季足敷吃十六尺水之輪船兩隻，同時停泊起卸，及來往客商由火車上下輪船，極為方便。所有秦王島本年港口工程，已成者甚多，而未完者仍復不少。約明年年底，所造阻波浪之石圍牆可成，無論風浪大小，能容吃水十四尺至二十尺輪船十隻停泊。此石圍牆係專為禦風浪之需，將來亦可兼作碼頭之用。計面寬六十尺，可容四條鐵路軌道。嗣後數年內，運往北方重大物件，皆可在秦王島起卸。是秦王島為最要口岸，屆時該處定廣設各廠，以備製造鐵路應用各料及機器等物。礦務局原購之地，大概於明年出售，惟出售時必須言明地戶或租主，按照上海洋涇浜北公共租界章程，在秦王島設立各國工部局一處，無論何人均有平權利益。長城以內未開各礦，諒必漸次開採，即蒙古東南最大之地，亦必開通商務。本年開平局唐山林西兩礦所出之煤，不但北方各埠皆足敷用，即南省通商各處，亦可敷用。然第一仍須多開礦井，第二尚須加添運煤火車。第三必須預備一極大埠頭，以便輪船之尤大者停泊。上海香港兩口，每年需煤不下二百萬噸，迨後年開平煤斤，頗可供其大半。去年因拳匪滋事，運煤不便，是以唐山林西本年所出之煤，大約祇有四十萬噸之數，若早年并無存煤，亦不敢直隸一省之需，是以出口煤斤無多也。

○直督飭天津縣示諭當商減息札

爲札飭事案查本年九月間據天津當商李安邦等以各典賠累不堪稟請停減當利改歸三分等情到本督部堂據此當查開設典當冬間向須減息該商等既請免減復請將向來二分之息概歸三分有加無減于貧民殊多未便批據藩司議得各屬當商利息每屆冬令向按收成之豐歉定減息之多寡辦理從無歧異該商因兵燹之後元氣未復異常艱窘尙屬實情惟貧民無衣禦寒情更堪憫所請免予減息之處未便准行至各當利息三分二分原聽商便改爲三分事尙可行惟須自三十年爲始以示限制詳覆在案頃有人以該縣出示津郡各當戶欲將贖當之家不論三分二分統按三分贖取貧民力何以堪請飭仍按向來冬令減息成案辦理等情前來查加利須俟三十年爲始凡新質衣物取利三分其二十年所質衣物原利僅止二分者仍按二分取贖以清界限現在尙非加利之時不知該縣憑何出示冬令減息由來已久不特今冬應行減息即來年加利之後冬令亦即照減天津典當減息章程尋常之家自十一月十六日起至年底止原利三分者減爲二分取贖原利二分者減爲一分五釐即由該縣迅速出示曉諭遵照以惠窮黎並將示稿錄送查核至今贖當之家按二分贖取之示因何錯誤並即明白稟覆合行札飭札到該縣立即查照遵辦此札

博物開院○英國教士懷恩光前在青州府曾設一博物院近擬移於省城南圩門內迤西擇地開設現暫租木牌坊路南房一所飛潛動植諸象及沙石金玉農桑工藝諸具業已接次陳列每日上午九點鐘起下午四點鐘止任人觀覽來遊者頗覺絡繹不絕云

●登州綢業之進步 山東登州物產以山綢為大宗惟向來均用土機織造行銷未廣自上年各線絲局一律改用新機另出新式花樣銷路驟暢聞改機後已輸出十餘萬疋約值銀二十餘萬兩之譜

●樟腦獲利 江西省城惠民門外之生利樟腦公司有福建著名工師督工煎熬成績甚好現復添設股本大加擴充熬出之腦潔白異常與臺灣不相上下每百斤售銀九十餘兩獲利頗厚遠近各埠定買者紛至沓來有應接不暇之勢

●湘棉暢銷 湖南湘潭縣所產棉花性溫厚軟細潔異常較之通州烏江之產尤為出色近來銷場甚廣借出產無多每屆上市時相購買每斤約值一制錢三百文

●香港將為世界第一商埠 香港報云香港在世界通商各埠中向占第三位現將躍居第一據英國官報所載一千九百零三年香港進出口貨物噸數與五大商埠比較如下 倫敦一千零九十五萬八千七百三十九噸 香港一千零七十八萬三千五百零二噸 紐約九百三十七萬一千五百四十五噸 安兌伯九百零三萬九千二百十三噸 亨白八百二十四萬四千六百六十噸

●保護行商 四川據長江之上游險灘林立港汊紛歧往來商貨被匪劫掠時有所聞且商船過灘時每有灘棍串同緝夫恣意勒索稍不滿欲輒敢放意斷續迨至船貨覆沒而灘棍等遂乘危撈搶商人之性命既懸於呼吸所有資本亦盡付東流實堪痛恨現聞饒清帥訪知其弊並查得自川至鄂江路數千里僅有靖川水師川東水師等營砲艇若干艘實有顧此失彼之虞現在川東已設商務局應將上下游江面聯為一氣製船購械實力梭巡以杜匪劫遇有船隻經過險灘隨時指引救護督同牽挽並嚴切彈壓稽查勿令再有灘棍人等涸跡肆害陸軍緝匪更宜定章相輔而行以期化險為夷惟以事屬創始若徑歸官辦深恐日久弊生若由商幫自立公司則於拿匪革弊一切事宜權力亦有不逮因札飭周守克昌會同商務局將添兵籌款用人立法各事與商會各董悉心計議條舉覆陳聽候察奪其川東水師原為緝匪保商而設即撥歸該守統帶應如何歸併淘汰添募期於江防商旅有裨並飭一併妥籌辦理

●飲議與辦自來水事 粵報云省城自來水迭經香港華商借同西員至省測驗稟請承辦惟估計工程約需六七百萬未易籌集嗣又擬交周東山京卿辦理亦未就緒現有職商伍寶光具稟督轅請准承辦當奉岑雲帥批示云查自來水既便民食又於衛生救火有裨本屬應辦之事前經本部堂札飭巡警總局籌議創辦在案據稟擬在省城河南創設自來水有限公司安置機器爲地方謀公益本無不可惟辦事首在資本查閱粘抄章程內稱集股五百萬元而稟內又稱五萬元究竟集股若干殊難憑信所擬章程亦甚簡略粵省民俗固陋如歸商辦與地方居民有無窒礙抑應由官籌辦以免紛擾之處仰廣東善後局會同商務局悉心查議詳復察奪

法國工藝之價值。法國製造業之發達，歐洲諸國所不逮，其輸出各物品，料既堅實，價亦低廉，故於歐美商務中，占最勝之位置焉。現經該國商務會，將昨年一年中，所有進出口各貨價值核算比較，宣布國中，茲揭其大數如下：一千九百零二年正月，起至十二月止。英貨入法，約值六萬萬法圓，法貨入英，約值十一萬萬九千八百萬法圓。美貨入法，約值四萬萬五千七百萬法圓，法貨入美，約值二萬萬五千三百萬法圓。德貨入法，約值四萬萬零二百萬法圓，法貨入德，約值四萬萬四千四百萬法圓。比貨入法，約值三萬萬五千二百萬法圓，法貨入比，約值五萬萬六千二百萬法圓。俄貨入法，約值四千萬法圓，法貨入俄，約值二萬萬一千萬法圓。法貨入非洲亞勒熱力國，約值一萬萬九千萬法圓。法貨入中國，約值一萬萬七千萬法圓。法貨入大呂宋，約值一萬萬五千萬法圓。法

北洋官報

八

第一百四十九號

貨入意大利，約值一萬萬四千萬法圓。法貨入瑞士，約值一萬萬零三百萬法圓。法貨入土耳其，約值四千七百萬法圓。

各國無線電報事業。(英吉利)一千九百九十八年十二月，倫敦設立麥干呢式無線電信會社，資本二十萬鎊，至去年又增加十萬鎊，日益擴張。本年三月，英國郵便局，欲連絡本島與隔島消息，特於兩島間設立無線電信支局一所，無論氣候風雨如何，傳遞均無滯礙。又去年來英國海軍中，有無線電信器三十二具(軍艦內)又商船三十隻，亦均具備。(意大利)該國政府於無線電信事業，在世界各國中，為最熱心保護發明者。去年中於大西洋上無線電信未開通以前，特貸與軍艦一隻，以為試驗之資，及電信開通後，首於意國羅馬府設強力之發電支局，以與南美及英國美國開通聯絡之道，並於本會社結今後十四年內，使用麥干呢式無線電信之契約。(法蘭西)為傳遞殖民地消息之用，特設大無線電信會社一所，其他法國各汽船會社中之有力者，無不入社。(德意志)汽船會社中漢堡亞墨利加線汽船三隻，於本年設無線電信器，以與大西洋他號汽船通信。(美利堅)美國有資金六百五十萬弗之大無線電信會社一所，不與倫敦無線電信會社相連絡。此會社發電所有最穩妥者四處，今耶由巴與美國東南夫羅利大州之間，又準備設立無線電信惟國內電信事業，均係私人所經營。(加拿大)加拿大政府，因獎勵無線電信事業，特於無線電信會

社每年補助美金一萬六千餘弗其加拿大無線電信會社共資本金五百萬弗內三百三十萬弗係爲麥千呢無線電信會社所有目下加拿大有總發電處一所尙漸次於該國海岸地立支局（日本）就臺灣九州間之無線電信言之由長崎縣下三重崎至基隆社寮島庄字八尺門約設七百海里於本年一月開工與辦豫定金在一萬圓內外其三重崎方面爲選信省佐伯技手主任早已竣工其八尺門方面爲選信省技手主任由三月內從事測準大興工作本年七月試驗開通

江西核減陸路進出口稅章 一皮花由瀏陽入境行銷府城擬照湖口章程每車一千四百文挑五百文核減三分抽收轉運新喻羅坊等處應行補足五分 一白蠟由瀏陽入境行銷府城擬照章程減每石抽收三分稅一千八百文轉運贛郡應收五分稅每石三千文經過各邊界分口不再抽收 一耳子每由湘東起票如或繞道瀏陽運入府城應完進口稅三分每石八百二十五文轉運三百里境外補足五分 一各種藥材應由湘省報完統稅查驗相符不再抽收如漏未報稅無論貴賤補完每百斤五百文樟樹雜藥照此 一夏布由府城內外裝運出境應照原定章程減半抽收行至金瑞查驗票貨相符不再重征 一蘆溪慈化炮竹運銷三湖臨江等處應完五分稅每百斤二百五十文 一宣表古紙錢紙等項運銷樟樹以上新喻以下應照十分統稅減半抽收 一棕衣片保本城所產運往出境應收三分稅每百斤九十文 一湖南色都布向由湘東起票查驗相符不再抽收如漏未報稅應行補收五分 一皮油或由湘省運入或由樟樹運上凡湘省運入之貨擬收進口稅三分樟樹運上之貨應收五分稅每百斤三百五十文 一土漆由湘省入境行銷府城如湖東漏味收稅應收進口稅三分每百斤八百五十文 一連四毛邊或由吉安或由建昌府一路繞越查無稅票可憑應即補抽五分 一閩筭應由建昌府邊界進口如漏未報稅即行補完五分每百斤四百五十文 一羅坊新喻等處棉布行銷府城每大小疋核減抽收一十四文七文 一燈芯向由撫州肩挑運入稅則甚重現擬從寬核減每挑完納進口稅三百文 一新喻豆子專銷府城應收三分稅每石六十文 一洋貨應由九江報關查無稅單可憑或由湘省運入應行抽收進口稅三分 一皮貨應由九江或烏石門進口如漏未報稅自應按貨補抽三分 一舊衣包由萬載入府城每車無論皮綢布核減抽收六百文 此外應行納稅之貨偷漏未議及再隨時查照局章商議核減分別抽收

商部奏請減免江甯等府當商額外息捐摺

奏爲江甯等府當商額外息捐懇

恩減免以卹商艱恭摺仰祈

聖鑒事竊臣部前據江甯等府

協和等當商聯名稟稱竊惟甯屬二十六州縣曾遭髮捻蹂躪最久巨當大商零落幾盡所設各店大半招股集資本屬無多其初照章取息二分五釐遞奉飭減爲二分所繳典稅向係每年五兩前奉部章議加四十五兩嗣於光緒二十八年賠款案內奉江督行知江甯藩司因安徽提取典息每年按長年十個

北洋官報

第六百三十一册

月提繳二釐以充賠款遵經詳飭仿辦此原一時權宜之舉商等現已遵繳三載惟伏念朝廷重視商政方以下通商情爲亟如緘忍不言不特商等虧累自壞生理尤於大局市面攸關查典商受累有數大端春當秋取錢有漲跌典用錢莊銀洋須聽作價取人之息以償彼一也世情危狡僞票僞貨藉端詭索典屢受害二也貨屋價昂百物騰貴薪俸伙食較昔倍增三也釐以本地善舉月捐各捐均須應付雖收二分典息其實除支用外不過有名無實甚者虧本邇來如宿遷元升元泰江都鉅興山陽肇慶諸典先後閉歇有報部申除稅冊可考典業至今勢同弩末所有繳呈提息一款原爲賠款而設然長江一帶蘆安徽各屬創行他省俱未能仿辦即鄰近之蘇屬亦未照行各典既未免受偏枯之苦倘商等至萬分支紕勢必相繼閉歇則雖欲報効繳捐豈可得乎據實稟請准予奏咨豁免等因前來臣等伏查光緒十四年因河工要需戶部奏令典商預完二十年稅課光緒二十年復因海防籌餉奏令於額稅外每座捐銀二百兩光緒二十三年又因歸還洋債要需每典額稅奏加爲五十兩復於加稅摺內聲明不准地方官額外加派等因在案此次江甯提繳當息既非戶部核准通行之案且所繳提息業已遵繳三載使非商力竭蹶亦不致赴部申訴伏讀光緒三十年十月二十二日欽奉 諭旨各省捐派等款除大宗收數姑准照辦其餘概行停止欽此欽遵在案查江甯當商每年呈繳本省二釐息捐清單共制錢九萬四千餘串似不得爲大宗收數連年南省錢荒小民困苦已極官吏所收當捐既重當商懼累勢必高抬錢價措抑貨價而無形之受累仍在民間合無仰懇 天恩俯准減免如蒙 俞允擬請飭下兩江總督江淮巡撫轉飭江甯布政使一體遵辦所有江甯等府當商請免提息緣由謹恭摺具陳伏乞 皇太后 皇上聖鑒訓示謹 奏

皖撫誠奏蕪湖常關徵稅情形今昔迥異勢難規復原額請免其十成賠繳摺

奏為蕪湖常關徵稅情形今昔迥異勢難規復原額懇 天恩免其十成賠繳恭摺仰祈 聖鑒

事竊據委管蕪湖關稅務徵餉池太廣道童德璋詳稱案奉戶部札行奏請整頓關稅以裕餉源又變通

賠繳舊例各摺片內開常關徵收稅銀正額盈餘均有定數短徵議賠者亦所常有當此練兵籌餉之際

籌款維艱若不變通辦理恐特有一免三章程徵多報少希圖取巧於關稅大有妨礙擬請於此次奏

奉 諭旨之日起以後完繳關稅賠項以十成實銀繳庫如限滿不完或完不足數查明先行奏請革

職再予展限一年如仍不完交著即監追所有從前交七免三及交一免三章程一概不准援引各等因

均於光緒三十年二月初三日奉 旨依議欽此欽遵札行到關奉此遵查蕪湖常關戶稅工稅兼收

劃定正額盈餘共計銀三十四萬七千六百五十九兩有奇自遭髮逆兵燹於光緒二年復設常關短收甚鉅

邀免著賠嗣於光緒十年奉有免九賠一之章歷屆短徵約在二十萬兩內外遵照交一免三定案每屆

奉賠實銀五千兩以內此歷年短徵者賠之情形也蕪湖新常兩關併列一處內地百貨各商貪圖便捷

多附輪船載運常關不能過問此短徵者一洋商在內地用民船轉運土貨准就新關領取單照例免常

稅此短徵者二木植附載輪船又有華商託名洋商致洋筏洋旗日多一日此短徵者三輪船船鈔係歸

新關徵收應抽船單因而日減此短徵者四茶歸茶釐統收鹽歸督銷稽徵皆就常稅剔出此短徵者五

估審日多常稅日絀此今昔各別之情形也新關初設之時歲徵銀一十餘萬兩十年前歲收亦祇三

四十萬兩近年遞增至七八十萬兩新關侵佔常稅固有明證而常關迭經整頓搜剔裕公近年歲徵常

稅一十三萬數千兩至一十四萬九千餘兩不等隨收解飯銀一萬八千九百二十九兩至三十年開期

屆滿計徵正稅一十六萬三千四百五十兩有奇解飯銀一項隨之俱增稽徵已不遺餘力溯自二十七

年七月奉文以後凡五十里以內濱臨大江之蕪湖大關及裕溪東沙等處向來收數最旺之口均已撥

歸稅務司兼理派有洋員會同委員簽派常關書役稽查科徵在在認真其五十里以外未經歸併新關

兼理之處只剩內港支河四小口冬春水涸淺阻難行夏秋水大始可通舟向來收數最少歷計歲徵或

六七千兩或七八千兩從無徵及盈萬之時而近數屆收數加增逐歲遞旺此又整頓有效委無徵多報

少之情形也舊章交一免三力尚未遠今飭完繳十成為數更鉅無米之炊巧婦難為惟有瀝陳情形詳

請 奏明嗣後常稅准予儘徵儘解或將新關收數酌撥數成列入常關併計或依近三屆常關實徵之

數量為年額設有短徵即照新額實賠庶餉需不託空言關務藉以挹注等情具詳前來奴才伏查蕪湖

關稅情形今昔迥異勢難規復原額懇 天恩免其十成賠繳摺

常關原額本鉅又僅長江上下來源普居咽喉無能繞越今類歧路可任擇避完洋稅者一稅之外概不
重徵完常關者一關之外尙多釐卡雖節加搜剔靡遺而勢等江河日下久成不足之關新關洋稅由十
餘萬至三四十萬遞增至七八十萬兩悉係侵佔常關此有所盈即彼有所絀一定不易之理此中情形
部臣深悉是以始則免賠繼則交一免三寬政類施垂二十年近年常關收數雖未復額尙能逐年增益
全賴稽徵得力況自五十里以內各大口歸稅務司兼理逐月稽查實徵銀數接提一成經費纖屑無從
出入可信其弊絕風清現若置洋稅侵佔於勿論不問短絀之緣由一經缺額責令按十成銀數認賠逾
限不完叅革一年限滿監追關員悉奉所入不足以供賠款竊恐叅追相尋無有能自全者必致關道一
缺人人視爲畏途亦非所以示體恤而昭核實也竊維部臣正片兩奏一杜取巧一嚴賠項當此時艱勢

北洋官報

一一

第六百八期

迫籌餉練兵苟獲有裨要需孰不激發天良深懷急公之義無如蕪湖常關今昔情形迥異實有萬難足
類之勢關道董德璋現詳各節共見共聞委無捏飾未敢壅於上 聞合無仰懇 天恩俯准將蕪

湖關常稅儘徵儘解或將新關收數酌撥數成列入常關併計或依近三屆常關實徵之數量爲年額設
有短徵卽照新額責賠俾邀變通而資遵守出自 鴻慈除咨部查照外理合恭摺具陳伏乞

皇太后 皇上聖鑒飭部覈覆施行謹 奏奉 硃批戶部議奏欽此

署江督周奏遵查江甯等府富商息捐係湊作賠款要需暫難減免摺

奏爲遵 旨查明江甯等府富商息捐係湊作賠款要需暫難減免恭摺覆陳仰祈 聖鑒事光緒

三十一年正月三十日承准軍機大臣字寄光緒三十一年正月二十一日奉 上諭商部奏江甯等

府富商額外息捐懇請減免一摺著周體察情形奏明辦理原摺著鈔給閱看將此諭令知之欽此遵

旨寄信前來等因承准此查商部原奏大致謂江甯等府當舖疊次加稅商力竭蹶每年呈繳息捐

共制錢九萬四千餘串似不得謂爲大宗收數據協和等當舖具稟奏請減免原爲體恤商艱起見惟江

北洋官報

第七百三册

蘇省每年攤派賠款銀二百五十萬兩內江甯藩司分籌銀四十萬兩連補水共銀四十萬六千五百七十餘兩先後奏明規復錢糧收價加提徵漕盈餘酌加田房契稅抽收房膏各捐並仿照安徽辦法酌提當典息捐抵付賠款查息捐一項安徽提捐三四釐不等江甯係核定實存架本減爲統捐二釐並將發典生息公款及滿貨架本概免提取又以每年冬臘兩月各當減利放贖係該當舖體恤貧民善舉當商既知恤民亦當體其恤民之心轉以恤商因將冬臘兩月息銀免其提捐每年按十個月計算會於光緒二十八年九月經前任江甯藩司李有棻在護理兩江總督任內奏明有案賠款爲數較鉅所收各項仍屬不敷計自光緒二十七年十二月起至三十年年底止出入相抵虧短銀三十六萬一千餘兩挪墊之款迄今未能歸還若免去當商息捐一款則所虧更鉅賠款按期應付刻不可緩必致貽誤如謂議收祇九萬四千餘串不得謂爲大宗款項不知房膏稅契各捐以及漕糧盈餘每項亦祇萬金此項賠款原係集腋而成儻因數少停止則所籌各款必致紛紛請免頓使賠款無著實於大局有礙再三體察此項當舖息捐暫難減免應俟賠款清楚或另行籌有的款即行停止近來商民同一艱窘以銖積寸累之資勸令湊作賠款本屬 朝廷不得已之舉該當舖等食毛踐土具有天良值此時艱自應勉圖報効所請將息捐減免之處暫難准行據江甯布政使黃建筦詳請具 奏前來謹恭摺覆陳伏乞 皇太后 皇上聖鑒謹 奏奉 硃批該部知道欽此

湘省因利局章 湘撫趙中丞酌定各州縣因利局簡明章程照錄於後 一此舉專爲貧民無本營生
借此公款可以自謀衣食不取利息如借一千元者每十日繳還本錢一百文十次收清每逢單日放
錢雙日繳還以百日爲期不准拖欠離城較遠者准其二十日並交兩次 一借錢之數自八百文起
至二千元止須開明住址現擬作何生業並將保人姓名住址說明註簿候司事往查屬實方准借給
每人給小票一紙寫明錢數日期 一曾經充當兵勇者亦須問明領去本錢作何生意註明簿內
一借去之錢按期還清方准再借若前欠未清不准再借 一按十日送交本錢若干當面於存根簿
上加一收字戳記並於本人小票上亦加收字戳記庶無錯誤 一局中發出足串典錢不准少串撥
用小錢繳還時亦須足串典錢以歸一律 一局中司事約用四人或六人酌留兩人在局發錢收錢
其餘分路清查先一日報名者次日往查不得遲延致誤貧民生計司事薪水由該州縣籌款致送不
動本局存款 一離城較遠者不能尅期往查或先由該處團紳開送加一戳記爲憑亦可通融借給
仍須由司事親往補查一次 一十不借吸洋烟者不借賭博遊蕩者不借外籍不借無保人不借剃
頭修腳行業不借僧尼道士不借沿戶不借優人不借差保丁役不借現充兵勇不借

收足數再行分售商販則漏滴歸公不難加增鉅款百餘萬應請 旨飭下四川總督悉心籌畫所有

贛省土藥能否由官籌款設局收買轉銷抑或招集商股設立公司總收分售以免偷漏而旺稅釐迅速

妥議開辦奏咨立案勿稍延緩此外各省凡向產土藥之處各該督撫一體籌議章程設法抽收無使偷

漏總期稅收日旺款項加增是爲至要 一暫停不急工程查同治八年至光緒二十年臣部因籌餉維

艱先後四次奏准將一切可緩工程暫行停止等因在案現在部庫入不敷出萬分艱窘擬照歷年成案

將各處不急工程暫行停止以資周轉除 頤和園 奉宸苑工程保奉 旨動用土藥稅釐

善陀峪萬年吉地係由臣部另籌專款放給並現在已經奏准興修各項工程均分別緩急酌量籌

撥此外應請 旨飭下工部內務府及在京各衙門上願 國家物力之艱下念臣部轉籌之苦凡各

處工程應行動支庫款而尙未經奏准興修者均自此次奉 旨之日起一概暫行停止以資撙節而

裕度支 以上停止不急工程一條係屬節流其餘覆核各省錢糧等九條均係就公家固有之利杜其

中飽除其積弊但各省情形不同或此有而彼無或此無而彼有或臣部所指猶有遺漏應由各該將軍

督撫切實查明認真辦理以期款集而民不擾此次整頓各款均自光緒三十年爲始無論新增若干均

即全數提出按年解充練兵之用其甘肅新疆鹽務所增之款即抵協餉屆時由部照數劃撥惟理財以

得人爲要應令各該將軍督撫遴選賢員妥定章程設法整頓辦有成效應准擇優保獎辦理不善亦即

分別撤參以昭勸戒並將所定章程先行奏咨立案毋任遲延致誤餉需奉 硃批覽欽此

稍有瞻徇。一清查沙田沙洲地畝查廣東沙田例應五年清丈一次自道光二十八年清丈起至光緒十七年止歷年開墾所收花息變價等銀約共一百餘萬兩光緒十八年該省設立清佃局以後究竟開墾若干收銀若干迄今總未報部果能切實招墾繳價收息必可增款數十萬又江蘇安徽兩省濱臨江海各沙洲或應十年清丈一次或應五年清丈一次光緒二十五年及二十八年江蘇安徽各巡撫均有清丈之奏究竟現在如何辦理亦未據奏報其餘湖北江西浙江等省或名沙地或名蘆地或名蘆洲或名蕩田均有清丈開墾之例而所報升科銀數亦屬寥寥此等洲地早成熟田或爲土棍把持或爲紳富占踞或以蘆課爲影射而避重就輕或以荒沙爲文飾而以多報少若一律認真查勘繳價納租不難立增鉅款裨益餉需應請旨飭下各該督撫慎選賢員妥議章程切實勘丈分別等差按畝繳價先行納租納定年限升科毋任推延並將如何辦理情形奏明立案不得畏難因循以盡地利而裕餉源。一變通四川土藥稅釐辦法查各省土藥稅釐收數以四川爲大宗而徐州次之四川每年收銀三四十萬兩徐州每年收銀三十萬兩左右歷據造報有案然四川全省百餘州縣較之徐州一府八州縣實屬大小懸殊乃四川征收土藥稅厘

濟南報

第二十四號

四

比較徐州所無增幾若非造報不實即係偷漏走私之太甚亟應切實整頓或仿照官運鹽務辦法或設立公司成總收買將應完稅項扣收足數再行分售商販則涓滴歸公不難加增鉅款百餘萬應請旨飭下四川總督悉心籌畫所有該省土藥能否由官籌款設局收買轉銷抑或招集商股設立公司總收分售以免偷漏而旺稅釐迅速妥議開辦奏咨立案勿稍延緩此外各省凡向產土藥之處各該督撫一體籌議章程設法抽收無使偷漏總期稅收日旺款項加增是爲至要。一暫停不急工程查同治八年至光緒二十一年臣部因籌餉維艱先後四次奏准將一切可緩工程暫行停止等因在案現在部庫入不敷出萬分艱窘擬照歷年成案將各處不急工程暫行停止以資周轉除頤和園奉宸苑工程係奉旨動用土藥稅釐。菩薩峪萬年吉地係由臣部另籌專款放給並現在已經奏准興修各項工程均分別緩急酌量籌撥此外應請旨飭下工部內務府及在京各衙門上願國家物力之艱下念臣部轉籌之苦凡各處工程應行動支庫款而向未經奏准興修者均自此次奉旨之日起一概暫行停止以資撙節而裕度支。以上停止不急工程一條係屬節流其餘覆核各省錢糧等九條均係就公家固有之利杜其中飽除其積弊

但各省情形不同或此有而彼無或此無而彼有或臣部所指猶有遺漏應由各省將軍督撫切實查明認真辦理以期款集而民不擾此次整頓各款均自光緒三十年爲始無論新增若干均即全數提出按年解充練兵之用其甘肅新疆餉務所增之款卽抵協餉屆時由部照數劃撥惟理財以得人爲要應令各該將軍督撫遴選賢員安定章程設法整頓辦有成效應准擇優保獎辦理不善亦卽分別撤叅以昭勸戒並將所定章程先行奏咨立案毋任遲延致誤餉需奉 硃批覽欽此

關款生息

北洋大臣袁准外務部咨送青島設關征稅專章六條通飭查照札

為札飭事三月十二日准 外務部咨開光緒三十年二月廿一日據總稅務司函稱輪船在內河行駛

一事德國大臣前云膠州界內之青島既允在彼設關應由該關按照通商他口一體發給就近入內港執照旋由外務部允許照辦於光緒二十九年八月間復在案查此事應擬之章已與德國大臣往復詳細商議擬訂專章六條作為光緒二十五年三月初八日會訂青島設關徵稅辦法之附件亦由德國大臣與總稅務司彼此照案畫押以便施行在未經營押之前合將此項專章錄呈酌奪示復等因當經本部核定該章飭令遵照畫押去後續據申稱專章六條已於三月初二日彼此畫押合將漢洋文一分送呈存查並請示復轉飭遵行等因前來除札復外相應將該章六條刷印一分咨行貴大臣查照可也等因到本大臣准此合行札飭札到即便查照此札 計列單 續立光緒二十五年三月初八日會訂青島設關征稅辦法附件 一茲因德政府允中國在膠州界內之青島地方設關征稅是以現定本關應有發給內河行輪專照之權凡有輪船准其駛赴內港來往一切規條總應按光緒二十四年五月七月初後所定之內港行輪章程並光緒二十八年八月補續章程駛行尤應按以後彼此訂明之各項專章辦理 一凡有輪船欲在內港行駛無論華洋船隻該船主應持有本國所發之牌照另具一函附呈海關稅務司處收存換領關牌此項關牌以一年為限繳回海關註銷換領新牌其牌費初次應納關平銀十兩厥後每年換領新牌納費二兩並應每四個月納鈔一次 一此項輪船准在青島水面隨意行駛或照章由青島赴內地各處並由該內地駛回青島或由青島駛赴內地轉過通商他口至內地駛回青島並准報明內地關卡逢關納稅遇卡抽釐即可在沿途此次所經貿易各埠上下客貨但非奉中國政府允准不得由此不通商口岸之內地至彼不通商口岸之內地專行往來若有此項所經貿易各埠駛至通商他口之船該船主即須報關按該口華洋各項章程辦理 一此項輪船出入青島時該船主總須報關請領各單將出口入口貨物之艙口單呈驗並須聲明欲往內地何處歸時亦須報明已到某

北洋官報

三

第二百八十七號

處仍須照例完納稅鈔至洋藥一項及其餘約禁貨物不准運入亦不准運出儘查該船有裝運洋藥及

違禁貨物情事可將該貨入官並罰該船洋銀五百元若再犯即將關牌撤銷亦不予以關牌上所
切利益 一此項輪船總應代中國運送郵袋不取運費該關郵政司應辦一切事宜或自行辦理
同德國郵員議辦亦無不可 一凡有防範偷漏事宜德國自可襄辦其巡緝洋藥走私及別項違
物尤應襄助辦理至郵政按章推廣一切德國允以格外相助不加阻攔 光緒三十年三月初廿
稅務司赫德與德國駐京大臣穆默在京畫押

江海關稅款生息章程 上海源通豐裕官銀號會議存放江海關稅款生息章程照錄如右 一商等承充銀號專司收解並無別項生理今將月結關稅銀兩存放生息是商號應辦之事責無旁貸應照稟准章程辦理惟責成綦重自當擇要轉放倘有虧倒惟商等是問 二每日所征各項稅釐銀兩除

北洋官報

四

第三百四十六册

撥解外截至月終結數即爲生息之期今自奉文之日以三月初三起截至月底爲止結存若干數目由四月初一日起如計一年或六個月三個月悉聽收支委員臨時酌定然至少以三個月爲期一經議定須俟期滿方可提解因商號生息之款轉放殷實商家亦有定期至已經計定長年之款一經到期或轉或還須預先兩個月關照 三每日所收稅釐銀兩未屆月終隨時應解公款照舊提撥倘到月終截數之後下月有大宗解款而所收之銀不敷提撥應請將上月結存之款截留若干萬兩以應下月解款之用其截留之款係屬暫存候提不能計息 四西歷無閏每月或三十天或三十一天長年以十二個月攤算是以各國銀行算利過閏不加今稅款生息既係按月截數則應照華歷計算過閏照加其按長年六釐行息者以十二個月攤派核足每月五釐計算其六個月五釐三個月四釐者以此類推

關款生息。聞商部奏請將江海關道收款變通生息一摺，已登前報。茲聞江海關道具稟南洋大臣，略謂商部摺稱關稅約計常存二百萬，月息以六釐核算，每年可得息銀十四萬四千兩一節，查關稅於徵收後，照章三月開報一次，就收期之遲速，酌盈劑虛，斷無有常存二百萬之多，又稱賠款各省關先期彙解江海關道兌收，約計常存六百萬兩，按日以一分五釐核算，月息不過四釐半，每年可得息銀三十二萬四千兩一節，查各省彙解賠款，參差不齊，欠解者多，更無常存六百萬兩之鉅，且賠款到期即付，萬分緊要，如全數放息，萬一市面緊急，到期難收，豈不貽誤大局，故擬放出三四成，至多不

北洋官報

四

第二百八十八號

過五成，至常存六釐按日四釐半生息一節，業已照會錢業董事，一俟議妥，再行稟覆。

上海錢業公議關款生息章程 商部奏准將江海關道存款變通生息業經南洋大臣轉飭遵辦現上海錢業公議開放關款生息章程呈請關道核示節錄如左 一逐日銀息查滬上為通商總匯銀幣聚散無常其日息大都以每百兩二三釐為多縱有時貨物暢銷現銀不敷周轉利息因之驟漲亦偶有之事邇來輪電交馳消息靈通銀利稍昂則鑾金立至敝業逐日銀息向有早晚兩市皆在錢行公定未便憑空臆斷此銀市日息不能預定之實情也 一按月銀息查洋商銀行存款章程利息之多寡視存期之久暫以為衡酌盈劑虛最為公允英商匯豐銀行上海存款長年定息五釐六個月者四釐三個月者三釐每日結帳者二釐日本正金銀行上海存款長年定息五釐六個月者四釐半三個月者三釐半逐日往來者二釐半均按長年計算兩相比較日本之息為優商等公同商酌竊謂中西情形略有不同自宜酌量變通以仰副憲臺公私交益之盛意如長存一年者擬以六釐行息六個月者五釐行息其短存三個月以至兩月一月者概以四釐行息均照銀行章程長年計算惟逐日計息者仍須照市核計似與大部奏定月計六釐日計四釐半之宗旨尙相符合此日息酌分久暫之實情也 (未完)

上海錢業公議關款生息章程 (續三百四十二册) 一連環互保查敝業各莊凡列名公所互通匯劃者類皆資本殷實其經營較鉅者歲必一二百萬即謹飭者亦百萬數十萬不等往來拆款皆以信義相孚所慮者外幫虧倒或致牽累今幸 朝廷明定商律嗣後如有外幫虧倒莊款者即照律嚴追自無虧折之虞倘僅責令互保則商情必多觀望此各莊不能連環互保之實情也 一分派存款查

各莊銀款出入鉅細不同其出入小者即已資尙未能外放更何庸借助公家其有出入較鉅者即須偶事通融亦多臨時取用緣款未放出不獨無從生息而各莊屋宇淺窄素無銀庫事關公帑數鉅責重日久間擱何能擔此重任擬請如有願領公款者准照商市通例自備往來銀摺赴庫請領即於領到之日按期起息俟期滿後即日赴庫繳還如不願領者聽此存款不能派定之實情也 一預咨收欸查各莊承領公帑皆須外放生息而公家歸還洋欸向解現銀各莊收欸兌現斷非二三日所能立

辦擬請以後收款之時務於四日前預先咨照即於咨照之日停止起息以示體卹而免賄貼一銀
息出入查做業銀款進出向有存息拆息之分藉此毫釐以沾微潤至每日錢行所定之數係屬放款
拆息今領款時如令照此數認息則進出一致毫無餘潤可沾況當憲庫發款之際市上銀根既寬銀
息必賤迨收款之時外間均知付還洋款各銀行將裝運出口現銀既缺銀息必昂是不但無利可沾
或且反致折閱可否仰乞恩施准其於領款時照市折扣若干起息庶各莊得以稍沾餘潤而樂於請
領矣以上各節皆係滬市實情做業向人所見皆同用敢分條縷陳伏乞鑒核批示遵行

商部奏請將江海關道收欸變通生息摺

奏爲臣部欸項支絀擬請將江海關道收欸變通生息條具辦法恭摺仰祈 聖鑒事竊惟 朝廷重視商務設立專官兼以農工路礦諸要政亟須次第舉行 特命臣等悉心籌畫臣等伏念行政之要理財爲先邇來時事多艱籌欸之難百倍曩昔上年臣部具奏酌籌經費摺內曾將爲難情形縷晰具奏並聲明不敷之處甚鉅嗣後再當設法籌措以期應辦諸事可以次第舉行等因奉 旨允准在案蓋以辦事必有切實可恃之欸項而後有維持可久之規模方今 聖懷軫念民生一切均應就公家固有之利剔除中飽臣等再四思維因見 國家流衍轉輸之利有在無形之中而未及經理者則江海關道之收存欸項是已查上海一埠稅收最旺而各省彙解賠欸還欸亦以此爲總匯之區江海關道經徵華洋各稅及免收各省解欸類皆存儲候撥若能於未經撥用之先隨時將收存各欸分存殷實莊號酌定按月按日生息章程則聚米爲山積沙成塔綜計所入每年不下數十萬兩茲特約舉其數爲我

皇太后 皇上詳細陳之一曰關稅查光緒二十八年各關華洋貿易總冊內江海關共收貨稅船鈔洋藥釐金一千八十一萬四千兩零此項稅銀於徵收後照章按三個月開報一次就收期之遲早酌盈劑虛約計常年存欸二百萬兩按月息銀以六釐核算每年實可得息銀十四萬四千兩此關稅生息之數也一日賠欸查辛丑和約定後新案賠欸以及四國還欸歲需籌備銀四千餘萬兩此項銀兩除由江海本關稅銀內撥付外其餘均由各省關先期彙解江海關道兌收就收期之遲早酌盈劑虛約計每月存欸六百萬兩每兩按日息銀以一分五釐核算照月息不過四釐半每年實可得息銀三十二萬四千兩此賠欸生息之數也以上兩項每年共應得息銀四十六萬八千兩今擬酌定辦法責成江海關道將所收關稅及賠欸銀兩隨時分別存放殷實莊號生息按三個月報解一次并造具關稅收數日期清冊一分關稅生息日期數目清冊一分賠欸還欸收數日期清冊一分賠欸還欸生息日期數目清冊

北洋官報

二

第二百六十四冊

一分一并申報臣部查核至該道衙門造冊應需薪工紙張等項經費准其由息欸內提出百分之五作爲津貼俾資辦公如此變通籌畫以目前自然之利歸之公家在該道任此責成絕無爲難之處而臣部有此的欸可將農工路礦諸政擇要舉行實於商務大有裨益相應請 旨飭下兩江總督江蘇巡

撫轉飭江海關道卽自接到部文爲始分別款項切實遵辦并由臣部咨行各省督撫轉飭司道將應辦
江海關道兌收銀兩務各先期籌解嚴飭領解人員按照定限隨到隨交勿得稍稽時日俾該道於生息
各款得以騰挪周轉嗣後如 國家設立銀行或須另籌存放生息辦法屆時再由臣部奏明辦理所有
臣部款項支絀擬將江海關道收欸變通生息緣由定否有當理合恭摺具 奏伏乞

皇太后

皇上聖鑒訓示謹

奏光緒三十年二月十一日具奏奉

旨着兩江總督江蘇巡撫督

飭江海關道如數撥解商部欽此

江甯藩司核議赫總稅司條陳籌餉詳文

為詳請事奉憲臺札開光緒三十年正月二十九日經兵部火票遞到軍機大臣字寄直隸兩江四川兩廣閩浙湖廣各總督光緒二十年正月二十一日奉 上諭外務部代遞總稅務司赫德條陳一摺據總稅司稱練兵籌餉以地可錢糧為大宗若竭力整頓即用此款練兵並可舉辦各項要政按里計畝按畝計賦令每畝完錢二百文確可經久百姓亦不受絲毫擾累現在財用既乏幾於羅掘俱窮一切應行要政如練兵等事尤為萬不容緩之舉需款更殷亟應切實通籌期有良法著該督等按照所陳各節體

北洋官報

第三百十四號

察情形悉心會商逐條核復妥速具奏原節略著抄給閱看將此通諭知之欽此遵 旨寄信前來承

准此除分別咨行外恭錄札司欽遵體察情形逐條妥議詳辦勿延等因並抄節略到司奉此細詳總稅務司條陳以整頓地丁為宗旨其餘各事皆須地丁辦有端倪方可議及姑先就整頓地丁之策詳細陳之按照節略所云中國地方按里計畝應有八千兆畝考之戶部則例內載各省田地畝數共祇七百四十二萬餘頃合七百四十餘兆尚不及十分之一即減折一半計算亦相去懸殊總稅務司之算數勾畫無遺而則例所載祇有此數各省尚有不在例載之田可以征銀者為數無幾以此例彼相去懸殊是非統丈不能確見實數若僅就寬長核計方積其中山水江湖城市村鎮道路墾闢究應去幾何局外約略勾稽焉能為準其令每畝完二百個銅錢之賦查各省以江浙賦額為最重浙江及江蘇大江以南田地銀米照收價併計每畝須完錢至四五百文以上不等甯屬較輕亦每畝折征錢三四百文第等則不一江北瘠薄之區每畝亦有祇完數十文者若庶幾灘租并無漕米每畝僅合十數文未可一概而論如不論等則每畝統令完納二百文則苦樂不均民間未必遵依即分等則通扯計算亦萬難符合條陳之數當此多事之秋國勢積弱日甚亟宜力圖自強苟有可籌之款自應盡力設籌况田賦為維正之供倘不擾民而又能驟得鉅款凡在臣工執不思竭力報効第如總稅務司所陳而謂百姓不受絲毫擾累則有未敢遽信者中國近年來外患頻仍內地尚稱綏靖所恃者民心固結耳此等舉動事關大局既奉諭旨飭令核議何敢妄事阻撓查節略內有先自某省某府某一縣地方辦起之語自應請由大部統核各省實征田數究有若干應收錢糧能否籌及四百兆兩果有此數科則較重之處設或開辦無不樂從其科則輕者向來完不及二百文能否飭令一律照辦必先通盤核計籌定穩妥辦法使民帖然受命確

有把握再行指定某省由近及遠照章開辦擬請憲臺電詢各省究竟如何定議能否遵辦再行參酌復
奏是否有當謹將戶部則例內載各省征糧田地畝數摘錄清摺附呈理合具文詳請伏候憲臺鑒核俯
賜電詢各省如何定議開辦批示祇遵實爲公便 附各省田地畝數清摺 計開 直隸省各項田地
共六十八萬八千四百十頃六十四畝入官旗地共三萬八千七百五十五頃續墾荒地共四百七十八
頃五十四畝查出無粒黑地一千三百三十一頃五畝 山東省各項田地共九十八萬四千七百二十
八頃四十六畝 山西省共五十三萬二千八百五十四頃一畝 河南省共七十一萬八千二百八頃
六十畝 江蘇省江甯共四十萬二千三十二頃二十六畝蘇州共二十四萬五千五百十五頃一畝
安徽省共三十四萬七百八十六頃三十三畝 江西省共四十六萬二千一百八十七頃二十七畝續
墾共四頃二十一畝馳禁升科九頃五十一畝 福建省共十二萬八千四百八十二頃八十五畝 浙
江省共四十六萬三千八百八十一頃二十六畝 湖北省共五十九萬九千四百三十九頃四十四畝 湖
南省共三十一萬三千四百二頃七十三畝 陝西省共二十五萬八千四百二頃十二畝 甘肅省共
二十三萬五千三百六十六頃二十一畝 四川省共四十六萬三千八百十九頃三十九畝 廣東省
共三十四萬三千九百三頃九畝 貴州省共二萬六千八百五十四頃 廣西省共八萬九千六百一
頃七十九畝 雲南省共九萬三千一百九十七頃九畝官莊田地八百二十二頃二十餘畝 共計田
地七百四十二萬七千四百五十三頃十畝 查總稅務司所計八千兆畝合八千萬畝核與則例所載
不及十分之一合併附及

署江督蘇撫效會奏遵照部議將江海關道庫款分別存息摺

聖鑒事竊查據管內准商

奏為遵照部議將江海關道庫款分別存息藉充公用恭摺會陳仰祈 旨著兩江總督江蘇巡撫督飭江海關道照數撥解商部欵此抄錄原奏行令遵辦等因當經前督臣魏光燾轉行去後嗣據江海關道袁樹勛稟稱江海關所收常洋兩稅及葉盤船鈔等項月有待撥之欸時收時放存數無定其各省所解新增賠欸及各項洋債雖間有先期解存而逾期始行解到及延欠未解請部飭催者亦復不少原奏謂關稅項下有常年存欸二百萬賠欸項下有季月存欸六百萬蓋係約略估算不能執為定數且賠欸洋債實屬要需一經到期即須提付若盡行存放設或提繳不能應時貼誤匪細必須酌留數成實存在庫以備緩急現經傳集錢業各商公同籌議會謂上海銀息向有早晚兩市皆在錢行公定其日息大都以每百兩二三釐為多總有時貨物暢銷現銀短絀利息因之驟漲然亦係偶然之事邇來輪電交通消息便捷銀利稍昂則整金立至此外常存之欸則視存期久暫為衡關稅洋欸為數既鉅又皆暫而不常部定行息各數較之市面銀拆懸殊領欸愈鉅賠息愈多勢難遵辦經該關道再三勸諭允凡發放之欸視其生意之大小聽其酌量領存不為強押一切收支存放由道編立印簿逐日登記另派熟諳商情之員並酌用司事常川駐署專心經理其與各莊號往來概照商市通例全憑經摺以為根據每屆三個月將關稅賠欸還欸按照部奏各分收數息數開具細冊造報一次各錢商初猶疑慮繼見所定辦法與平時商家往來無異始允將三月分以前關庫所存庫平銀二百七十萬兩分作三月初一十五四月初一三個月具領以後各省解到洋欸隨時發放酌照英商滙豐日本正金兩銀行存放辦法以日期之久暫定利息之多寡而略有加增凡發存一年收繳者六釐行息存六個月者五釐行息存三個月以至兩個月一個月者皆四釐行息均按長年計算收欸之時於四日前預先知照即於知照之日停息其發存不及一月者即照銀市拆息辦法隨時逐日核計又該關設有滙通豐裕銀號係專管經收進出口稅項並無別項生理所收稅欸隨收隨撥存數無多向於月底結算以收抵放有餘再行提存內庫今既變通生息擬令仍照向章每屆月底算明結存若干即以下月朔為起息之期亦按存期久暫分別計息與各錢莊一律辦理惟至少以三個月為期其發存長年之欸到期時或轉或還須先兩個月知照以示體恤分擬章程呈送核辦所有該關道衙門造冊應需薪工紙張等項經費即照商部原奏准其由息欸內提出百分之五作為津貼俾資辦公仍嚴飭經手司事人等不得私向商家需索絲毫使費以杜流弊並據該關道另稟自三月初

一日開辦起遵照部覆以三成存庫其餘七成均已發莊盤數具領生息截至五月初一日止各莊號實共領存關稅洋款庫平銀四百三十萬餘兩各等情稟經咨准商部核覆照辦在案前署督臣未及核辦留交前來叙才覆核無異所有江海關道庫款變通生息緣由理合恭摺會陳伏乞
皇太后 皇上聖鑒敕部查照立案謹 奏奉 硃批商部知道欽此

○膠海關稅務司阿理文光緒二十九年膠州口華洋貿易情形論略

竊查本國貿易逐步加增與往年相仿查閱以下所列貨數即可知光緒二十五年論中所言此口必日見興盛爲不謬大船塢裝貨卸貨費省且速既便且穩火車亦可直放該處裝卸此時雖未竣工而五年前所指望之事已大相符合因青島初開口岸時生意已極暢茂距今不過五年較之烟台開埠三十年時已有

濟南報

第三十一號

六

盈無繼嗣後當必日漸加增成爲美備之商埠本年貿易共估值關平銀一千四百六十一萬一千五百四十九兩比之二十八年多至四成比之二十七年多至七成洋貨進口二十七年估值關平銀三百四十三萬一千八百七兩二十八年加至五百八十四萬五千七百二十九兩本年加至八百四十五萬二千六百六十八兩其直由外洋來者比二十八年加多四成由通商口來者加多五成土貨進口二十八年估值關平銀二百二十六萬一千一百四兩本年加至二百八十二萬六千八百三十七兩所增之數有二成五分即出口貨亦見加增二十八年估值關平銀二百二十六萬九千三百九十二兩本年三百三十三萬二千四十四兩所增之數約有五成其直放外洋者雖其數甚微然亦增至十二成五分赴通商口者增至四成五分統觀本年貿易最加多者爲日本貨物而各貨之中又以棉花爲最本年進口之貨共值關平銀八百四十五萬二千餘兩其中棉花有五百二十萬兩約合六成五分鐵路礦務材料二百二十一萬兩顏料二十三萬兩火油二十萬兩自來火十五萬七千兩各種舊鐵五萬六千兩絲貨三萬四千兩毛貨二萬兩雜貨三十四萬五千兩其棉花五百二十萬兩內日本貨有三百三十萬兩約占六成之數日本貨所加增者大都在於棉紗二十七年共二萬七千九百二十五擔二十八年增至六萬三千九百九十九擔本年增至十一萬二千一百二十二擔除棉紗外其別種布疋如日本組布粗標斜紋等類亦漸銷行於市上然此等貨現仍一英國之原布標布美國之粗布斜紋爲多至日本貨之增加並本口船表亦見更易因前此之貨由上海轉裝德國旗船而來今銷貨日多大都由日本直放來口二十八年日本旗船不過三十一隻本年已增至五十三隻矣洋貨進口共值關平銀八百四十五萬二千六百六十八兩除鐵路礦務材料二百二十一萬兩外各種貿易貨物計值關平銀六百二十四萬二千六百六十八兩此中五百三十四萬一千八百四十九兩之費由火車運往內地詳載火車進口表內其餘九十萬兩之貨由小車牲口運往即墨等處者約值四十萬兩由三板運往膠澳灣內約值二十七萬兩由民船運往各口者約值二十三萬兩由此數觀之

可知民船往來之貿易尙未通行因山東南方仍有洋貨由上海民船及遼河及鎮江來也此等生意將來亦應歸於青島當在內河試辦行輪及火車枝路通至沂州之後耳至洋貨由火車運往內地表則膠州與鄰近之處估值關平銀八十七萬四千四百八十一兩較二十八年約增二成濰縣與鄰近之處二十八年只有二百十九萬三千四百六十七兩本年增至三百八十五萬一千四百五十二兩約增七成五分之外而在濰縣本境銷行由青島運進之貨約在六成此皆從前由烟台運來者於此可見貿易改變鐵路之有益於青島也濰縣若此則周村及全省大商場之濟南自必皆然蓋火車運脚較烟台水陸運貨便宜定可皆來青島耳周村於本年八月初二日開車冬季三月運進之貨估值關平銀六十一萬五千九百十六兩全年應二百四十萬兩尙有周村之貨先已運至濰縣照此約算則全年應有三百萬兩濟南火車約三十年正月間開行其進口之貨亦可以周村例之每年三百萬兩然則由火車運膠州濰縣周村濟南四處每年可值一千萬兩查火車每車裝重一萬五千啟羅計十五噸（每噸合華斤一千六百八十斤）現時平常貨物運價至膠州四十八元合每噸三元二角每一百斤一角九分二至濰縣九十一元五角合每噸六元一角每百斤三角六分六至周村一百十四元合每噸七元六角每百斤四角五分六至濟南一百二十元合每噸八元每百斤四角九分照以上運價合每噸運一啟羅密達遠（約合華里二里）至膠州合洋三分九釐五至濰縣合洋三分一釐至周村合洋二分四釐至濟南合洋一分四釐六此中尙有一定之扣如裝三車則扣一成六車則扣二成火車每日兩頭各開兩次將來濟南開車其快車亦一日可到乘車之人現亦日多一日火車生意亦日見起色濰縣坊子煤礦所出之煤三十年當有裝運出口者從前每日可出五十五噸現已加至每日三百噸煤質亦甚好現在所出之煤在礦廠即已賣出均爲本地土人及鐵路青島機器廠購用青島機器廠所用之煤皆坊子所出也在礦廠售價塊煤每噸洋八元五角煤末每噸洋五元其機器現亦換用大者擬將煤井再挖七十五密達深可取用第二層之煤坊子火車棧西又開一五

密達寬之井現已動工開作矣博山煤礦諸多起色現擬在淄川迤東另開一井俟機器一到即行開工本年收成據土人報稱黃絲七成野蠶絲六成花生五成豆子六成麥子七成小米七成高粱六成地瓜六成水菓五成瓜子五成土貨生意雖以錢價吃虧尙無減色本年錢價每洋一元合大錢六百六十文至七百

三十文爲從來所未有較之二十八年約減一成 一本關稅課本年共徵關平銀三十三萬三千一百四十七兩比二十八年多十二萬一百三十八兩約有六成其所多之數計洋貨進口正稅九萬七千二百八兩出口正稅九千四百八十六兩復進口半稅六百十四兩洋藥稅厘三十七兩民船進口半稅三千三百三十二兩民船出口半稅七千四百七十七兩厘金二千五百九十四兩 一外洋貿易從外洋運運本口者共值關平銀五百十三萬四千二百二十九兩內鐵路礦務雜料估值關平銀二百二十一萬七百七十七兩貿易貨物估值關平銀二百九十二萬三千四百五十二兩二十八年只一百三十七萬七百七十兩計增一百五十五萬二千六百八十二兩由日本運運本口二十七七年不過三十萬五千一百五兩二十八年一百二十一萬四千五百六十七兩本年增至二百三十七萬三千六百八十五兩其所增見之貨爲日本棉紗八萬一千一百五擔各種布疋六萬四千四百六十一疋印度棉紗三千七百七十三擔水靛一千六百十九擔日本自來火六十二萬一千九百八十各羅斯(每各羅斯計一百四十四小盒)美國火油七十二萬一千加倫(每箱計十加倫) 出口土貨由青島遙送外洋者二十七年只一萬八千三百七十兩二十八年亦只六萬五十六兩本年增至十一萬五千七百九十七兩此等生意雖不甚大亦日見進益以上之數香港尙不在內因貨到香港仍運中國各口非運至外洋也出口草縲二十八年一千四百七十三擔估值關平銀五萬五千二百四十八兩本年一千五百五十八擔估值關平銀八萬九千六百兩豬鬃二十八年只七十五擔本年增至一百九十三擔羊毛本年乃初次出口計五百四十五擔估值關平銀八千一百八十三兩 復出口貨無足深論 一沿海貿易原出口之土貨赴通商各口以及香港二十八每年

值關平銀二百二十四萬五百八十四兩本年三百二十二萬九千二百七十六兩約增一百萬兩內輪船裝運者有一百四十六萬一千五百五十六兩民船裝運者一百七十六萬七千七百二十兩本年所增之貨爲豬鬃山查片墨魚麵粉花生豬油藥材蚊帳布豆油草麻豆油花生油青餅披豬瓜子核桃麥子等宅各絲出口亦以本年爲最旺因由火車裝運既速且穩運價亦廉現青島擬設中國銀號將來通融較便絲之生意定可來於青島矣二十八年無白絲本年出口十擔黃絲二十八年一百六十九擔本年增至八百三十三擔亂絲頭二十八年八百四擔本年增至二千七百五十八擔其比二十八年減色之貨不過數種山羊皮去年四萬五千四百九十四張本年三萬五千九百張牛油去年九百三十六擔本年七百十一擔草縲去年一萬二千二百二十四擔本年八千四百一十一擔查草縲之所以減少原故蓋因沙河離鐵路較遠

不能得火車之益且青島所銷惟上等之貨若次等貨大都能運烟台因運脚既不相上下到烟有錢莊可以通融價值亦高輪船赴申又便也 復出口貨無緊要可論 復進口貨共估價值關平銀六百十四萬五千二百七十六兩比二十八年多一百七十一萬七千一百三十三兩洋貨由通商口來者二十八年二百十六萬七千三十九兩本年三百三十一萬八千四百三十九兩 一內地稅則無 一船隻本年船數雖數又見加增進出口輪船二十八年四百七十三隻計四十九萬三千五百十五噸本年五百五十四隻計五十七萬二千三百九十九噸內德國旗三百九十八隻日本國旗一百六隻英國旗三十二隻臚威國旗九隻與國旗五隻高麗國旗二隻中國旗二隻進出口夾板船十六隻計一萬八千三百七十八噸內美國旗十四隻德國旗二隻民船進口共三千八十八隻出口共三千二百四十五隻比二十八年進口多一百八十二隻出口多四百二十隻 一旅客由輪船進口西人一千五百五十八人華人三千二百四十六人由火車赴內地二十八年共七萬七千五百五十一人本年九萬五千一百九十五人由火車從內地來者二十八萬七萬九千九百八十八人本年八萬六千九百九十九人 一金銀由香港來銅錢估價值關平銀九千八百二十四兩由通商口岸來洋銀估價值關平銀三十二萬七千一百九十七兩銅錢估價值關平銀一萬七千二百七十五兩由福州來當五當十當二十銅元估價值關平銀一萬三千八百五十兩出口金條金錢估價值關平銀一萬九千二百五十兩元寶共關平銀一百六萬一千六百三十九兩洋銀估價值關平銀十二萬七千一百六十一兩 一藥土由青島赴膠州洋藥只三十舫傳聞內地洋藥有由威海私運進口者 一雜論二十八年所論滄口線絲廠今於秋間由關東運來登蘭時業已開工所做之工亦頗合法大約三十年定可有絲出口現在經理之人均係熟手將來必見起色十月二十六日夜間東南風甚猛有福建民船金春順因走錨打至燈樓旁觸礁水手人均經救起由本關送回原籍船貨未曾保險損失約值洋銀六萬元大清郵政本年添設分局五處王台柳疇靈山衛羊角溝張店又代辦七處臨淄樂安臨朐壽光昌邑安東衛長山信箱七處王哥莊石臼所泊兒鎮濱口王家灘濰縣鎮穴富莊歸膠州所管郵政區內分局代辦信箱共五十六處矣火車由青島直達濟南所有沿途郵件現歸膠州所管區內郵政之事亦較前為盛約加有五成以外郵政匯票加至一倍四成可見大清郵政日見興旺也

濟南報

第三十一號

八

金山旅美商民擬呈當道請力爭禁約稟稿

(節錄經世文潮)

惟美國自光緒九年即西歷一千八百八十三年訂定禁工之約於是年西三月十七日畫押西十月初十日實行自茲以來彼政府所頒苛例日新月異法如牛毛僑民之困莫可名狀查此約之行訂明以十年爲限迨光緒十九年約滿復再展十年屆明年西十月初十日又當滿期現查美國政府之意謂民間之輿論一若中國政府必默許此約之繼續無俟再更者續頒苛章方日出而未有已商民等竊計朝廷關心民瘼軫念僑氓斷無漠焉不較之理諒既早經擊畫具有權衡特以事中之甘苦每身受者言之較詳彼族之情形亦習處者能窺其隱謹集衆議試籌挽救之策爲我王爺中堂大人陳之竊查美國禁工之議本起於西方卡緯寬厄省之沙地黨不過一無賴市儈欲煽惑愚民以徵權利一唱百和吠影吠聲舉國若狂每下愈况彼美國者民政之國也上自總統政府下及各省庶僚必順民情乃獲選舉以故工黨之勢愈橫則禁約之立愈密雖然禁華工之議持之最力者西方一二省而東方諸省未甚以爲意也如我最深者爲上等工人而官吏紳商殊不與同情也即以工人而論其真正美產者尙不肯太爲已甚其最叫囂強暴無禮者大率從歐洲新來入籍之意大利人猶太人德意志人耳彼等驟入膏腴之新地分茲餘潤而其作苦及其技巧皆不逮我華人故因劣生忌因忌生凌禍源之起皆由彼輩試問彼輩之專橫於上流殷實之人果有利乎彼輩以聯盟挾制爲不二法門日索增其工價日索減其時刻稍有不遂立刻罷工全國紳商病之久矣幸有華人不隨波逐易就範圍故紳商之歡迎華工非特昔日爲然即至今未或有改也而國中立法行政諸人皆所謂上等紳商者乃竟甘舍其所利而就其所害何也則以工黨之勢頗大國中兩大政黨恒視其所加以爲輕重緣其所附以爲升沉故無或有一黨焉敢大拂其意且相率以仇視華人爲取悅於彼輩之一法門爲擁護黨勢之一捷徑此即禁約之所由來也夫彼所藉爲口實以禁華工者豈不曰奪美工之業乎哉然意大利人及其他拉丁民族之人歲入美國者殆八十萬彼工黨何以不憂彼之奪而顧日尋瑕索垢於區區歲進不滿千百之華人則以彼等入境後旋即入籍後即有選舉權而爲工黨輔翼故耳知此病源則我國所以乘間抵隙以圖補救者殆亦非無道亦其道云何則利用其上等紳商使爲我助而已或曰彼紳商昔既受制於工黨不惜救其所害而助彼以禁我今昔等耳而何從易之此又不然夫工黨雖橫而國中兩大政黨固非事事仰其鼻息聽其指揮也時或出全力以制之荷遇重大事件而兩政黨各出全力

以制工黨工黨終非兩政黨之敵也顧其於事則制之而於華工之事獨順之者何也我國既不與力爭然則有華工焉不過其一人公司稍覺便利禁之則稍損焉爾而於大局無害也故彼中政治家不惜以此區區權利讓諸工黨而借以買其歡心苟中國非挾持一物牽動其全國之休戚者則無以轉移其輿論於此而欲使兩政黨中有一袒我者而必不可得何也甲黨一袒我而乙黨將成其隙而挾工黨掩襲之也然則所謂牽動其全國休戚之一物維何以商民之愚竊謂關稅問題可以當之矣近者美國與我所定新商約以減稅免釐諸事相要素以商民等所聞議既定矣而尚未用費畫諾此實一可乘之機也夫關稅問題我國向來不甚以為意而各國動斷而爭之者蓋主國藉此以保護本國之工業而使利不外流客國藉此以推廣工業於他國而使利可壟斷也今美國已由農國而進為工商國有旭日初升之勢其工商業能制勝地球與否全視其能推廣於中國與否故中美關稅問題美國一國休戚所由繫也夫今日之中國殆非與美國爭稅之一時也雖然或可借此以為弛禁約之地步焉商民等之愚竊謂莫如趁此新約未畫押之時將禁約併為一談由我國外務部先行提議謂十年期滿請廢斯約彼政府必仍前十年之議謂商工多有妨民業有害治安固也吾亦反唇以稽之曰貴國既絕我國海外謀生之路貴國作備各國效尤我民相率株困不得不圖擴張工業於本國以圖自存如是則我國必當為保護關稅之策以蘇民困夫條約必兩立而後可久者也貴國既大拂我損我以求自利則我亦宜求一保護我利者以相償貴國可獨行其志以禁工我國亦可獨行吾志以加稅各為內治計不能相難也如此則美國之輿論必大譁囂而禁約之轉機必伏於是此所謂圍魏救趙之謀也商民之愚以為趁新商約未畫押之時能行之最善也即或他端相迫而新約不得不速畫押則雖至議禁約之時再以此相抵制亦未始不可行何也吾初以為此約限滿而廢今不待吾國之合意而強續行之則我前此之約亦可以視為無效也論者或曰以吾今日國勢之弱他人不有挾以要求我亦云幸矣我能復有挾以要求人萬一以此再傷邦交禍將不測矣夫國威未張則外交無一事不棘手此中曲折雖商民等之愚亦能窺見一二朝廷慎重邦交之苦心早已為蕞海所共諒雖然商民等竊聞弱國之待強國非徒以順從而能買其歡也時亦以強立而能起其敬子產有言國競亦陵何國之為以鄰之弱而時能左右晉楚以視其所以利用者何如耳夫關稅內治也各國常以此為抵制權利之樞樞此近今數見不鮮之通例亦彼中政治家所習聞也歐洲列國其弱小於我什伯倍者何

○ 津海關道擬請鐵路所經非口岸地方不准洋商設舖地方官應隨時查禁稟並批

敬稟者竊查各國洋商按約只准在口岸貿易若赴內地開設行棧以及華洋商互相假冒影射牌號均爲約章所應禁乃職道訪聞內地沿鐵路地方往往有洋人假冒華號違約開行華商影射洋牌走私罔利且有本係華商賞本勾串無賴洋人出面或指爲合夥或竟稱店東詞訟則賄串扛幫釐捐則恃符抗欠明目張膽視爲故常地方官於約章多未究心亦遂置之不問殊不知洋商行棧只准在口岸開張鐵路所經仍屬內地豈容藉口開行若不及時查禁誠恐各洋商相率效尤漫無限制將成遍地通商於國利主權均屬大有關係職道悉心籌酌擬請 飭下蘆漢京榆京張正太等處鐵路經過各州縣申明約章洋商只准入內地寄寓客棧辦本行貨物轉運出洋不得在內地開設行棧將境內城鎮華商行舖按照編查門牌之法遴派幹練員司逐一查詢何人賞本何人經理開設何年出售何貨註冊備查發給執照作爲核准不准需索分文如查有華洋商人互相影射之牌號及洋商獨力合股所開之行棧凡爲約章所不准者立即勒限照約關閉倘敢不遵稟報核辦嗣後各華商開買收歇項盤添股均須赴官報明存案地方官三月一查自奉文之日起限令三個月內一律查竣稟報自此大飭辦之後倘再有洋人在內地開設行棧影射牌號等事一經發覺除將該商立予究治輕則罰辦重則充公外並治該地方官以失察之咎於此澈底清查顯申華洋假冒商牌之禁即隱杜洋商開設行棧之端庶積弊可冀廓清而外人亦諒無藉口矣職道管蠡之見是否有當理合稟請 憲台俯賜察核訓示肅此具稟

督憲袁 批據稟已悉查洋商在內地開設行棧本爲約章所應禁乃近來內地沿鐵路地方時有洋人違約開設行舖自應嚴行查禁以儆效尤候通飭沿鐵路各地方官將境內城鎮華商行舖按照編查門牌之法逐一查詢註冊備查核准給照不准需索分文如查有華洋商人互相影射之牌號及洋商獨力合股所開之行棧凡爲約章所不准者立即勒限照約關閉倘敢不遵稟報核辦嗣後華商開買收歇均須赴官報明存案地方官三月一查自此大奉文之日起限一個月一律查竣稟報此後倘再有洋人在內地開設行棧影射牌號等事一經發覺即將該商立予究治如該地方官失察即行撤參以示懲儆並行各鐵路局一體遵照辦理此繳

賠

款

論賠款金銀問題 (錄新聞報)

欽差鐵侍郎自電奏各省困難情形請飭外務部力爭賠款用銀聞已奉有 廷寄鐵良電奏具悉

着鐵良端方就近與各國領事磋商補助如何商議情形即電奏欽此 政府此次忽允賠款用金乃赫總務司之力 聞鐵侍郎端午帥奉 廷寄後已電飭上海道就近與駐滬各領事商議袁親察已允之 聞駐滬各領事之意皆以彼等無權商議此事

當國庫空虛民財竭蹶之時政府忽允各國以賠款用金是誠何心哉而且還欠之速限以一月之內無論百姓搜括已盡戶鮮蓋藏千餘萬金豈能咄咄立辦就使此關竟過而三十九年之中明賠暗虧將何底止以四百五十兆兩之賠款而利息磅虧反在一千兆兩以外中國之民其能堪此乎各國解釋約文堅指易金之說爲用金之證與中國所解釋者不同約文以英文爲憑吾不必堅執約文以爲爭也吾所可爭者計有兩端一保票祇有銀數二附表祇有銀數保票者保中國必能每年賠此數也附表者計中國每年能籌款若干以還新舊洋債也當時中外欽使計算中國每年能籌款四十二兆故除每年應付舊債外餘悉爲歸還新賠款之用而中國亦確知每年能勉籌此數故即認定今若用金必出四十三兆以外此豈各國議約大臣細算中國度支不欲竭澤而漁致激變亂之意哉是以美國首允用銀英國於十年之內允不苛求雖其他各國日以磅欠相聒然極其所至欲執保票而收管我抵押之物則保票固銀數也乃中外爭之數年而外務部輕於一諾一諾之後再欲挽回勢必萬難故外務部於鐵侍郎之奏即請 旨飭與駐滬各領事磋商明知各領事無權商議此事而以爲卸責之具外務部之居心尙可問哉側聞政府此次忽允用金乃從赫稅務司之議然則赫稅務司能知中國每年籌款可出四十二兆兩以外乎赫稅務司總理中國權政多年其居心頗欲總攬中國全國財政若非使中國財政窘至無可如何必無聘用洋員辦理財政之舉惟賠款用金之議成而後中國之財政立紓年復一年賠款之數不能按期解清外人即可掉身干預其居心蓋如是耳然而赫稅務司所總理者海關也中國之賴以抵債者亦海關也付出之債用金而收入以抵債者用銀赫稅務司當亦知其不平是則乘此時機速定關稅用金之議誠今日之要策也夫賠款用銀則

以銀款爲抵賠款用金則以金款爲抵各國之不能辯者一華商向洋商購貨用金洋商以土貨賣於外洋亦用金由金抽金各國無庸辯者二卽此一轉移間中國不必於賠款本利之外復賠磅欠與各國議約大臣細算中國度支量入爲出不欲竭澤而漁致成變亂之意相符而中國無變亂則各國商務愈盛此所謂兩益者也嗚呼賠款金銀問題一誤再誤大錯已鑄就令有人大聲疾呼謂賠款用金是速中國之滅亡撓全球之平安然外務部不能追其既往之咎各國不肯吐其已得之食故今日有電爭者外務部即責令與無權磋商之人磋商其事一推一諉限期已至反不如將關稅用金之議與賠款用金之事相提並論允則俱允不允則俱不允夫而後失於此者或尙可償於彼也

直督袁奏籌解各國賠款積欠不敷錄價銀兩片

再臣前於九月初十日准外務部戶部電開現因各國賠款不允還銀積欠不敷錄價千萬元庫無款可籌各省亦同此艱窘惟有借款一法第借款之後仍須攤之各省不獨利歸外人抑且年增鉅累如各省能自籌若干即可少借若干不惟濟此眉急實亦少輕攤數令即統籌兼顧等因正在轉飭籌措間復於十月初三日據江海關道袁樹勛電稱奉外務部戶部電飭轉陳以補付鑄價款鉅期迫借款亦不能及惟有先由各省開無論何款移緩救急以顯目前計派擬直隸省銀五十萬兩津海關銀二十萬兩務於十月底解滬俟借款到手照數撥還或作為豫解明年之款等語臣查直隸本缺額省分近年舉辦要政練兵籌防需用浩繁各省協餉積欠甚鉅無從撥補已屬萬分踴躍然每年認解新舊洋款賠款計一百七十餘萬兩本年又挪借練兵經費一百萬兩歷年奉部飭挪撥及奉咨挪用之七十五萬兩迄今無著左支右絀岌岌不支但賠款大局攸關不得不竭力設法查津海關庫現存待解二成增收銀二十二萬兩擬再挪借出使經費銀八萬兩湊足三十萬兩另挪借三十萬兩共湊解六十萬兩其另借之款統由藩庫暨長蘆運庫於明年應解協餉京餉各項內扣抵此外實屬萬難周轉當經電覆外務部戶部如可照辦俟接電覆即當轉飭趕緊籌解於十月十六日准戶部電覆令即照數滙滬等因除分飭遵照迅速如數籌解具報並咨部立案外理合附片陳明伏乞 聖鑒謹 奏奉 硃批該部知道欽此

豫撫陳奏清理荒地情形片

再豫省民情未靖積年以來鬧糧之案已非一次勿待臣之贅陳此次查照部章懷遠 諭旨清理荒地臣亦知積習相沿措施非易但稍存諉卸之意即可博寬厚之名惟念受 恩深重當此時局艱難百端待理儻一味敷衍致令賦額久懸則 朝廷維正之供尙且羣焉隱匿此外應興之利應除之弊更從何處著手况習俗由縱生刁由刁生玩積之既久恐亦非豫省地方之福今祥符抗糧一案仰仗 朝廷威福得以登時彈壓解散為首之李沅慶業已畏罪自盡洵足以清匪源而遏亂萌現在人心大定據祥符縣孔繁潔稟稱連日各鄉紛紛開報地畝極為踴躍足見急公奉 上民有同情但使嗣後無人從中搖惑似不至再有他虞咨臣督同藩司轉飭該府縣迎機善導妥為勸諭需之以時日責之以成效期於 國計民生兩有裨益所有辦事艱窘及近日查報地畝情形理合附片具陳伏乞 聖鑒 奏奉 硃批知道了欽此

署粵督等會奏請免解滙豐鑄價內無著之款並懇暫減新案賠款摺

奏為東省司局各庫異常艱窘懇 恩免解滙豐鑄價內無著之款並懇暫減新案賠款以蘇喘急恭摺具陳仰祈 聖鑒事竊照廣東庫儲奇絀出款日增司局各庫遞年用項不敷太鉅萬難措措臣

等於上年十一月間具 奏請將光緒二十五年籌餉案內所提無著之款七十七萬九千八百兩永予豁免並將洋常各關增稅照案撥供賠款暫減廣東新案賠銀三成兩年再行認解欽奉 硃批戶部

議奏欽此旋准戶部咨行議覆以光緒二十五年議提廣東釐捐鹽務等款部中檔案不全原奏所稱提款一百六十萬兩實有一半無著究係某款無著某款應行減免歷年成案既無可考原奏亦未逐一聲明實屬無憑核議原奏既稱所提一百六十萬兩每年實可提銀九十二萬兩又稱無著銀七十七萬九

千八百兩其數亦不相符何能懸斷現在該省既入不敷出若將此項提款再行核減則應解各款勢必更形短絀所請豁免之處礙難議准行令切實整頓如數提解並將此項提款全案迅速鈔錄送部以憑

考核並以洋常各關增稅已留抵舊案洋款不敷鑄價現在各關增稅為數無多即准以各省所認賠款勻攤之廣東亦不過十萬內外於廣東新案賠款三成亦屬礙難議准行令將廣東新案賠款照常籌解

以重外交而顧大局等因當經轉行司局遵照去後茲據廣東藩運兩司善後釐務兩總局司道胡湘林等會詳伏查前項撥還滙豐鑄價之銀一百六十萬八千六百兩零當日係憑虛數擬提無著之款本屆

其半歷年本未提足均係挪移接解節經前督臣詳晰 奏咨請減嗣奉戶部一再議駁又經前督臣陶模開列細數清單註明某款無著某款能提並能提者之實數咨送軍機處戶部查核近兩年來情形又

復不同所提各款收數有昔多而今少者亦有昔有而今無者前督臣陶模原奏所謂能提九十二萬二

百兩之數按照近年情形核實統計祇能提銀八十二萬八千八百兩此臣等前奏所以有無著七十七

萬九千八百兩之數也現經遵照部行將本省歷次奏陳艱窘情形摺稿鈔錄成帙並將前督臣陶模前

報司局各庫收款如何無著之清單鈔錄成本按照近年情形加註明晰詳請 奏懇減免前來臣等伏

查粵省近年司局各庫入不敷出艱窘情形日甚一日指撥籌解之款亦歲有加增前項奉提無著之款

七十餘萬之外新案賠款二百萬亦不敷銀一百三四十萬兩此外應行補給欠發勇餉廣西軍餉等款

又一百餘萬兩綜計每年短絀三百數十萬兩恐案無遺借無可借若不據實陳請分別減免必致貽誤

大局臣等受 恩深重具有天良前項七十七萬九千八百兩之數荷使稍可裁提又何敢為再三之

瀆無如粵省財力枯竭至今為極實屬萬難支持若以前奏請減奉駁議默不敢復言坐視貽誤臣等亦

北洋官報

難當此重咎思維再四惟有仍懇 天恩俯准將提撥滙豐鑄價案內無著之銀七十七萬九千八百兩免其撥解並將新案賠款二百萬兩暫減二成俟兩年後再行加數籌解俾得稍蘇喘息各省財力無不窘絀而以粵省歲短三四百萬者爲特甚憂恚焦急實不知何以爲計惟懇 恩施格外庶免立致隕越臣等實不勝屏營待 命之至除將本省歷次奏陳艱窘情形摺稿並前報司局各庫收欸如何

無著清單加註近年情形列單咨送軍機處戶部查核外所有懇請免解滙豐鑄價內無著之欸並懇暫減新案賠款各緣由謹合詞恭摺具 奏伏乞

皇太后 皇上聖鑒訓示謹 奏奉 硃批戶部議奏欽此

鄂督張通飭各州縣免解賠款留辦學堂札

爲通飭各州縣免解賠款留辦學堂事照得和局大定以後賠款一項經戶部行令各省攤籌湖北一省派至一百二十萬兩爲數甚鉅鄂省民力本屬難支特以大局所關各省一律派認不能不勉力遵籌嗣經本部堂會同撫部院督同司道各府州縣籌議傳集紳董勸辦分認足數雖各處情形不同辦法亦異然核其所出大率出於丁漕申稟等項或兼資稅契或取給舖捐在民間急公紓難固爲可嘉而湖北民力久困杼柚已空目前勉力輸將已甚不易自今以往尙有三十七年爲日方長悉索追呼何以堪此加以鎔價未定以後增加若干殊難豫料言念及此夙夜疚心本部堂兩三年來多方籌畫亟思爲民間除此鉅累惟苦於未得其策本年自回任以來體察民艱關懷教育綜核度支通盤權度查土膏捐一項近年來收數尙旺又有鑄造銅幣一項隨有盈餘繳捐一項尙足取信遠邇合計此三項必可籌出一百二十萬兩抵補通省賠款既別有籌款之法即不忍以此重累吾民特此飛札通飭自本年八月爲始所有各州縣賠款捐均予免解省城以蘇民困查方今惟學堂一事最爲有益地方強盛中國之大端如果學堂備設則不惟各州縣民智廣開人才蔚起而且農工商各項實業亦必事事開通富足與旺特各州縣因籌款不易多未能一律舉辦卽有開辦者規制亦未完備應卽將此項賠款捐全數留於各該州縣專爲該處辦理學堂之用通省各衙門一體立案均卽將此項更名爲賠款改學堂捐該州縣務須督飭各紳董將此項賠款捐原案數目核明照案催收不准向來繳捐之戶藉詞延欠以後應交存公所存儲由官督正紳經營斷不准吏胥經手亦不准刁生地棍干預把持至各州縣近年多有勸辦舖捐者除省城漢口沙市宜昌樊城老河口六處舖捐應留辦本處警察改名警察捐外其餘各州縣如該處舖捐一項已經地方官稟定歸入賠款捐湊解者固應一併改爲學堂捐如該州縣向辦之舖捐係另行報解支銷亦卽併入賠款改學堂捐項下收繳支用此係學堂定名捐款無論該處何項緊要公事均不得擅行挪

北洋官報

三

第四百二十八

用今以向來專供外國漏卮者移作培植鄉里人材之用一出於鬱結勉強一出於輿會發舒苦樂異情判如霄壤父兄以成材期望其子弟以樂施贊成其父兄更當踴躍輸將無待督趣惟既有常款應卽勒限一月內將該處學堂辦法擬設幾所係何等級仿何規模坐落何處擬就模式章程繪圖呈核卽

日開辦如地方官或私行挪用或故意推延卽由經管學堂之神董據實稟呈查明繳參如有紳董因不歸賠欸抗不繳捐該州縣亦卽稟明提省嚴辦有此官籌常欸以爲根基尤望本地紳富捐助增益愈加恢廣以期欸項日裕教育日昌此項賠欸及鋪捐改充學堂經費之欸應卽名爲賠欸改學堂捐其各州縣原籌學堂各欸無論出自何項均統名爲原案學堂經費將來如有官紳商富續籌續捐之欸均名爲推廣學堂經費以昭區別而免牽混所有原案學堂經費及推廣學堂經費仍應一體照撥催繳不得因此改作別用以及拖延減少除分行外合亟札行札到卽便遵照此札

署粵督岑桂撫柯會奏廣西應解新舊賠款無從籌解請 敕部另撥摺

奏爲廣西應解新舊賠款無從籌解懇 敕部另撥免誤要需恭摺仰祈 聖鑒事竊臣逢時前

因廣西餉項窘迫奏請將每年應解新舊賠款及鑄價等項五十二萬餘兩暫由戶部另籌撥解經部議

准緩解五個月扣至本年二年期滿三月卽係應解之期須於二月初間豫解惟入春以來則匪正在得

手需餉尤急實無術騰挪事關重要復將實在情形電請外務部代奏懇 恩准將廣西應解新舊洋

款多緩數月奉 旨戶部議奏欽此茲准部咨近時各省庫儲奇絀無可搜羅惟期限已迫自應設法

騰挪查原奏請緩洋款有三個月間應解新案賠款二萬五千兩俄法洋款六成銀五萬二千五百兩共

北洋官報

第三百三十七號

銀七萬七千五百兩擬在上年十月間派撥江蘇應協廣西餉銀六萬兩全數提作三月應解之款尙不

敷一萬七千五百兩卽在江蘇應協廣西新餉八萬兩內照數撥交該關道一併代付嗣後仍令依限自

行籌解不得再事瀆請推展等因具奏奉 旨依議欽此等因自應遵照辦理此次奉文已在四月而

本月應解新案賠款二萬五千兩又已逾期祇得電商上海銀號如數借墊爲數既鉅爲日方長此後無

可挪移必致隨時貽誤查廣西歲入之款計錢糧稅釐兩項年額不及百萬加以天災匪患困苦連年入

少出多支左細右拮据萬狀已非一時蓋自亂州設防以來歲餉四十餘萬各省協餉從未解清歲墊三

十餘萬又派新舊洋款五十餘萬力本不勝前升任藩司張曾敷綜核精密籌畫至周萬不得已乃開收

賭捐其贖陳籌備洋款七條內以賭規爲最鉅歲入約三十餘萬迭經 聖王洞燭民隱毅然停止臣

逢時到任後嚴行查禁遂少此大宗從前豫籌之款所收僅六七萬兩不敷甚鉅故雖蒙停解五月而實

無的款可存臣逢時奉 命撫桂卽經奏請寬籌餉項蒙 恩允准乃江西借撥二十萬不足購槍

砲之需戶部撥給三十萬不敷墊邊關之餉所恃以維持至今者以紙票搭放軍餉收抵賦稅惟冀賑餉

捐輸得以補苴而戶部又開捐大花樣並將三項小花樣減成收捐遂至開辦已經半歲而捐生未收一

名復蒙部撥各省關一百萬兩乃直隸已請另撥蘇滬又扣賠款及提臣咨取槍砲價共銀九萬餘兩卽

各省關力顧大局一律解齊止有此數此項係奉 旨東西兩省勻撥之款臣春煊亦緣東軍派剿西

匪餉需不足與臣逢時往返電商于今年各省解到現餉勻分一半以供東軍之需則西省用款愈形竭

驟又橋關撥補松滬浙釐十萬兩向係截留爲廣西軍餉上年戶部又忽提解挖肉補瘡苦于無肉日累一日設想何堪本年試辦土藥稅釐及百貨統捐數月以來所增無幾此廣西餉項艱窘異常應解賠款萬難照辦不得不迭請籌擬展緩之實在情形也又上年戶部派解練兵費二十萬極蒙體恤俟匪平再解查官捐一項廣西官吏貧瘠不能自存上年奏請均缺尙須由公家歲籌十萬兩何能更行提取徒手追捕又煙酒兩項通省加徵不過數千兩即匪平之後仍難遵解此亦不能不豫爲陳明者也夫籌款之法不取之民則取之商今廣西遭匪蹂躪十室九空田野荒蕪荆榛彌望往往數十里不見人煙市鎮墟場焚劫殆盡商賈裹足水陸戒嚴絕嗣深林子遺百數方將勞徠安集培養元氣之不暇雖使向來橫征暴斂之吏恐亦敲骨吸髓之俱窮臣等受 恩深重具有天良苟可力籌何敢推諉無奈欲解賠款惟有撤兵若議撤兵必致召亂廣西各營兵勇卽各匪肅清後不惟不能少減且須增多蓋東軍抽回勢必壞禁而各府親兵尙須一律撥給目前已朝不慮夕善後之事何所取資此皆共見共聞不敢一言欺飾惟有籲懇 天恩俯念廣西糜爛之狀自本年五月以後所有新舊賠款及鑄價等項 敕部另籌撥給免誤要需至撥補松滬浙江釐金十萬兩仍准照舊截留以濟軍食出自 逾格鴻慈除電咨戶

部外謹合詞恭摺陳伏乞

奏奉

硃批戶部議奏欽此

